

८७

दर्ता नं.:४८/२०७६/७७

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



नेपाल संवत् १९४२ तछलागा/२०७९ असार १/२०२२ Jun./ ल्या: ६१, दौ:४



ब्यप नगरपालिकाया नकतिनि त्याक: भःपुं
जनप्रतिनिधिपिन्ता
लसःहना ज्याइवः नपां लसकुस

देगमना फल्चा निःस्वानय्गु ज्या इवः

२०७९ जेठ २६ गते)



जिल्ला विपद् ब्यवस्थापन समितिया बैठक

२०७९ जेठ २५ गते)



; DkfbSlo

@)&(c; f/!, c^a\$ *&, jif\$

सरकार ! मथां देसी सः या व्यवस्था यो

कृषि प्रधान देशय् अः वापिज्याया इलय् देसी सः मदयो हाहाकार जुयो च्वंगु दः । ८/१० किलो देसी सः कायेता किसानत बान्हीतक लाइन च्वनि । अथेनं गुम्हां गुम्हांयां सः काय् मखाडः ल्याहाँ वानि । नेपः या लागिं छगू सिजनता ३ लाख ५० हजार टन देसी सः मः दक धायो च्वंगु दः । अलय् अः सिजनया इलस नेपाल सरकारया फुक्क गोदामय् देसी सः मरु । डि.एबी. १५०० टन व पोतास ६ हजार टन जक सः दःगु बुखाँ प्याहाँ वयो च्वंगु दः ।

भारत सरकारं थः ता हे सःमःगुलिं नेपःया सरकारता बिय मफया दक धाय् धुंकुगु दः । भारत सरकार व सरकारी पक्ष नपां विजुली सम्भौता जू काथं भारत सरकारं अःतक खय् १ लाख ५० हजार टन देसी सः नेपालय् छोयो हय् धुंकय् मःगु खः । दुः खयाय्गु खाँ भारत सरकार नेपःया सरकार नपां जूगु सम्भौता खय् भ्या भाति हे गम्भीर मजु । गुकिं याडः नेपःमि पिसं सः मदय्क हे वापिय माल ।

नेपाल मजदुर किसान पार्टीया नायो भाजु नारायणमान बिजुक्छँ (रोहित) जुं स्वयो नीदा हाँ हे चीनं देसी सःया कारखानाया नमूना हयो उब्बेया प्रधानमन्त्री अः याय्म्हा शेरबहादुर देउवाता बियो द्यूगु खः । बिद्युत मगागु त्वहः तयो देसी सः कारखाना नेपालय् हे दय्केगु विचः नेपःया सरकारं गुब्ले हे मया । नेपालय् हे सः कारखाना दःगु जूसा किसानतयसं इलय हे भिंगु सः काय दैगु खः । अलय् सःया भःनं मेगु स्वयो म्हवचा हे जुइगु खः । नेपालय उपः जूगुसः विदेशय् मियो विदेशी मुद्रा नं मुनय् फैगु खः ।

भारत सरकारं न्ह्यागुनं वस्तु भारतकय् काय् माय्क तय्गु मति याम्हा खः । अः सम्भौता जूकाथं सः मब्यूसें नेपः या कृषि क्वफ्वाय्गु मतिं ज्या साडः च्वंगु दः । सः, छ्वः व चिनी थजगु नेपःता मदय्कः मगागु बस्तुत छ्वयो महःसैं अघोषित काथं म्हतुं मधःसिं नाकाबन्दी याय् तांगू दः ।

थौं स्वयो नीडादाति हाँ, नेपालं थीथी देशय् दाल, जाकी थजगु खाद्यान्न (नसा ज्वलं) त नपां बुं सइगु बस्तुत विदेशय् छ्वइगु । अः दाल, जाकी थजगु खाद्यान्नत लच्छीया अरबौं तकाया न्याडः च्वंगु दः। गुकिं भी न्हिया न्हिथं कतया भरय् म्वाय माल च्वंगु दः । थुकिया मू दोषी सरकारे वांपू शासक दलत हे खः व दलया पिसं गुब्लें हे थःगु देता थःगु तुतिखय् हानय् फैगु काथं विचःयाडः ज्या सांगु मरु । नेपालय् हे उत्पादन बढेयाडः थःगु तुतिखय् थःहे दानय्गु स्वयो विदेशं सामान हयो कर कायो देतःमि याय्गु गलत बिचः ज्वडःहज्याडः च्वंगु दः । विदेशी सामान दुकायो कर कायो जक छुं हे देश तःमि जुय फैमखु ।

नेपः देता अःपुक थःगु तुतिखय् दानय् फय्केगु लाँपु धाय्गु कृषि उत्पादन अप्वयेकेगु हे खः । उकिता भीगु देशय् भिंगु, पुसा, सः अलय् नाः छुय्गु (सिँचाइ) या व्यवस्था याय्मः । सरकारं मथां हे सःकारखाना चाय्केता बजेट छखय् लिइकय् मः । सरकार ! कृषि उत्पादन अप्वय्केता मथां हे सः कारखाना चाय्की !

पिकाक-ख्वप नगरपालिका/सम्पादक-आशाकुमार चिकंबञ्जार, डेस्कटप-धन लक्ष्मी त्यात, आवरण सज्जा-रेणु ध्वजु, थाकू- भक्तपुर अफसेट प्रिन्टर्स फोन ल्याः ०१-६६९३०४३, इ-मेल- khwopapau@gmail.com

का.रोहितया न्हपांगु कोरिया भ्रमण

का. रोहित



छाडःग्वाडः (बालोघान) मचाक्यबः

८ अक्टोबर १९९१ खुन्हँ जा नय धुंकः जिपुं छाडःग्वाडः मचाक्यबः स्वः वाडा । १९८२ सं निःस्वांगु २३०० वर्ग मिटरे छ्यडः च्वंगु, उगु मचाक्यबय् दय्क तःगु थाय्त नेपः या छुं नं दरबार स्वयो म्हवँ मजु । ५०० म्हा मचातय्यु लागिं तःतः खागु प्यखा भवन, पशु पंछीया नमूनात दय्कः तः गु, बःचा हांगु चिडिया खाना, स्वस्व जिमिसं न्हयसः तथा - छु श्व म्वः म्वः थाय् खर्चयागु वा खागलय् लुं प्वल्हँ चियगु थें नपां अपः हे खर्चयागु थें मजुला ? लिसः बियोदिल- महान नेता किम इल सड्गं धायो द्युगु दः, भ्नी देया मचाखाचात भ्नीगु देया जुजुलानीपुंथें खः । अलय् न्हयसः मेगु छुडा - अथेसा थुकी तस्कं तःमि पिनि मस्त जक ब्बकिगु जुइ ? अलय्-च्वयया काय्मह्याय् पुं जक ब्बकिगु जुइ ? लिसःवल - मखु थाना ज्या साडः नैपुं ज्यापु-ज्यामिपिनि काय् म्हय्यपुं, कर्मचारी नपां थीथी पेशाया मनूतय् काय् म्हयाय् पुं ब्वनिगु खः । वयकपुं थुगु लागा याय् पुं हे खः ।

स्वदा प्यदाया मचात थाना तय् हैगु अलय् खुदा फुतकिं थाना नं यंकिगु, न्हिनयँ थ्यनय्यु, ब्वनय्यु व म्हितकेगु ज्या जुई, ज्यासिधलकिं माँ व्वापिसं थः थः पुं मस्त कः वै । अलय् च्यान्ह-च्यान्हूतक थानासं तय्यु नं बन्दोबस्त दः । न्हिनयँ म्यँ हाय्केगु, ईस्वयों नेकः स्वकः नकय्यु, खाँत आनाया शिक्षिका मय्जुं काडः दिलः ।

छक्वः तःक्वगु बैठक क्वथाय जिपुं द्रहँ वानय साथं हे कोरियाली भाषं - 'कका, ज्वजलपा, वा प्याखं ल्हुवा' धाधां मस्तयूसं जिमिगु लाहा ज्वँ वल । अपुं भ्या भाति हे लज्या मचः,

मग्या, श्व म्हामसियापुं धाय्यु ग्याचिकु पहः मरु । अमिगु लाहा ज्वडः सः सां मससां जिपुं प्याखं ल्हुवा, गजगु थः धाय्यु भावनाया आत्मियता, गुली माया वाना पुसे च्वंपुं मस्त, धात्थें छम्हा छम्हा मां व्वापिके मचाया मायां (वात्सल्यता) ग्वाडगु धात्थें (खानय् दः) ।

मचा-खाचा तय्यु प्याखं व कासा स्वय धुंकः जिमिसं आना मचा पूखु स्वया अलय् छगू तः हागु हलय् द्रहँवाडः सांस्कृतिक ज्या भ्क्वः त स्वया ।

छगू मचा क्यबः दुनय्या हलः भ्नीगु देया छुंनं हल स्वयो म्हवचा मजु तस्कं भव्य दबुली मस्त थाहाँ वलकिं माइक सरर च्वय वैगु । न्वचु तय धुंकःमाइक अथें हे क्वहँ वानिगु । ज्याभ्क्वःता ल्वय्कः मः काथं लु (दृश्य) त थःथमं हिलः वैगु, बाजागाजाख्य मस्त थः हे सररर वैगु, स्टेज (दवु) छायापा भ्नीगु देशय् मवनि । मचा तय्यु ज्या भ्क्वः स्वयो जिपुं लयतायो प्याहाँ वयताडा बलय् मस्तयूसं जिमिगु लाहा ज्वडः जिमिता बिदा बिला गुकिया छाप गुब्लें लुममानिगु काथं नुगलय् स्वताडः च्वंगु दः ।

एक्रोबेटिक (सर्कस)

मचाक्यवं जिपुं ज्या भ्क्वः काथं एक्रोबेटिक अथेधाय्यु सर्कस स्वः वाडा ।

खिपः खय् तिं न्हुइगु, यगाइगु, यतेपेते गाइगु, खिपतय् चिडः कय्क, (धुँयत्रो) मता स्याइगु, सामान क्वफ्वाइगु, वाण कय्किगु, खिपतय् चिडः अपांकय्कः क्वचा छ्यनिगु, च्वाप्वखय् सुल्ल त्याईन्याई म्हेतिगु, प्याखं ल्हुइगु थी थी म्हा हे ख्वाउँसे-ख्वाउँसे च्वनिगु सर्कसत स्वया ।

ताजि-ताजिया सामान त क्यनिगु, सुचुकिगु, क्वचा छ्यनिगु, स्याइगु चटक नपां भालुया लडाई नं स्वया ।

कोरिया थुकाथं एक्रोबेटिक सर्कसय् नं मेमेगु देश स्वयो लिपा मला धाय्यु थी थी कासा स्वयो जिपुं हायपुकः च्वडा ।

कोरियाली मजदुर पार्टीया महाविद्यालय

९ अक्टोबर १९९१ अथेधाय्यु २३ आश्विन २०४८ या सुथः सिया ८ः०० ताइलय् जिपुं चिच्याहाकलं पार्टी स्कूल व कलेजया ज्या भ्क्वःखय् वाडा । थुगु कलेजय् कार्यकर्ता पिन्ता पार्टीया इतिहास, दर्शन, राजनीति, सिद्धान्त व संगठनया शैलीया शिक्षा बिइगु जुयो च्वना ।

कलेजया प्राध्यापकपुं नपां खँल्हा बल्हा याडा बलय् छु सिय

वयः न्हयगूगु स्वप पौ. बः छि पौ (पाक्षिक)

दत धःसा रूसी अक्टोबर क्रान्तिया प्रभावं हे अथेधाय्गु १९२० निसें हे कोरियाय् कम्पुनिस्ट पार्टी निः स्वानय्गु खायँ संघर्ष न्ह्याकला । विधिवत काथं १९२५ सं कोरियाली कम्पुनिस्ट पार्टी निः स्वान । अलय मार्क्सवाद व लेनिनवादता कः घाडः यंकय्गु धःसां नेतात धमण्डी, जनता नपां बांलाक स्वापु मरुपुं नपां थःथःगु गुट दय्के मःपुं जूगुलिं १९२८ तकया दुनय् कम्पुनिस्ट पार्टी हे विघटन जुल ।

अलय का.किम इल सङ्गं पुलांगु गथे खः अथेहे डालः मकसें ल्यासे-ल्याम्हो पिनिगु न्हँगु काथं संगठन मःगु, दकलय् न्हपां संगठनात्मक व विचारधारात्मक जग तयमःगु खायँ बः बियो दिल । जनताय् दुनय् हाँगःकाय् फ़ैगु, पार्टीया बिचः खय् फुक्क छपा जुय फय्केमःगु, चीनया सीमाय् दकलय् न्हः पां प्रारम्भिक संगठन काथं जापान विरोधी गुरिल्ला सेना दय्कला । १९३० निसें १९४५ तक खय् जापान विरोधी संघर्ष जुला । उगु इलय् कोरियाय् कम्पुनिस्ट पार्टी, न्हँगु प्रजातान्त्रिक पार्टी, प्रजातान्त्रिक पार्टी व कोरियाली धार्मिक पार्टीत दःगु जुल । १९४५ अक्टोबर १० खुन्हुं का. किम इल सङ्गया तः हाँगु कुतलं ज्यापु ज्यामिपिनिगु पार्टी कम्पुनिस्ट व न्हँगु प्रजातान्त्रिक पार्टी छप्पा जुयो कोरियाली मजदुर पार्टी निःस्वाना । जापान विरोधी संघर्ष खय् छप्पा छ धि जूगुथें हे खानय् दत ।

उगु इलय् मंकः पुचः (संयुक्त मोर्चा) या विरोधी जमिन्दारतः तःहापुं पुँजीपतित व देशद्रोहीत जक बाँकी दता । प्रजातान्त्रिक क्रान्तिया इलय् अपुं नपां नं ल्वापु जूगु खः ।

धर्म व पुँजीपति वर्ग प्रति युरोपिली व कम्पुनिस्ट तय्गु दश्वी वैचारिक व व्यवहारिक ज्यात पांगु खानय् दः । १९१७ लिया रूसय् पुँजीपति वर्गया विरोधय् तच्चकं संघर्ष न्ह्याकला । अथेहे चीनय् पुँजीपति वर्गता अस्थाइ मित्र (लायँ लुयो वम्हा पासा थें) जक धाइगु नपां कोरियाय् समाजवादी क्रान्तिया इलय् पुँजीपति वर्गता नं नपां हे यंकगु जुल ।

प्र.ज.ग. कोरियाली संविधानय् धार्मिक स्वतन्त्रता दै धायो ग्यारेन्टी ब्यूगु, अलय लडाइँया इलय् सं.रा. अमेरिकां बुद्ध विहार व देगलय् बमं कय्कः चुं चुं थाडः बिला । विज्ञान व शिक्षाया खाँ अपलं थुयो वयानिं ईश्वर प्रतिया आस्था म्हवँ जुजुं वानिगु जुयो च्वना । मेदखय् कोरियाली क्रिश्चियनता कोरियाय् पाःलिङः हे प्रार्थना याइगु, द्यो स्वयो का. किम इल सङ्ग बांला दक मानय् याइगु ।

पार्टी महाविद्यालयसं २६० म्हा मिस्त, मिजंत दः । उकी मध्ये १/३ स्वबव्य छब्बः मिसा मस्त दः । स्तरया ल्याखं ५२ म्हाति विश्व विद्यालय स्तर याय्पुं दः । अध्ययन याकिगु शैली मेथाय् स्वयो पागु खानय् दः । प्यलातक ब्वकिगु, व खुलातक ब्वडागु काथं ज्या याकिगु व व्यवहारय् छ्यलिगु जुयो च्वना ।

न्ह्यसः या लिस ब्यूसें अधिकारीपिसं धायो द्यकाथं -

मजदुर पार्टी निःस्वांगु न्हापांगु इलय् पार्टीया दुजःखय् (किसानत) बुँज्यामित अपलं दःगु खः । अलय ज्यामि व बुद्धिजीवी पुं दः ।

सत्ताय् च्वंगु पार्टी जूगुलिं पार्टीता न्या, इस्पात थें बलाकय् मः। छगू हे विचः, छगू हे मन, अलय छगू हे इच्छा काथं जुछें विचःता डाल काय्मः, मखुगु, मभिंगु बिचः दुमकाय्गु, छगू हे थासय् (केन्द्रे) छधिजुयो च्वनय्गु, वाय्म्हा, श्वाय्म्हा धायो गुटबन्दी याकय् मबियगु, अनुशासनता मामं घाय्पुथें मायायाडः कः घाडः तय्गु, पुलांपुं व न्हँपु, चिच्या न्हिपुं वः तःहिपुं छतिहे मपाक उथिं याडः, तय्गु प्रजातान्त्रिक केन्द्रीयता नपां थी थी विषयत ब्वंकय्गु खाँत कुल दिल, वयक पिसं ।

पार्टी दुजः यायता गजगु मापदण्ड दः लय् धाय्गु जिगु न्ह्यसः या लिसः बियो दिसें - तस्कं स्वयो, ल्ययो, खाँ थुइकः तिनि पार्टीया दुजः याई । अथेधाय्, पार्टीया दुजः जुय धःपिन्ता खापा तिङः तय् धाय्गु नं मखु । अलय न्ह्याम्हासिता नं ह्यगु नं मखु । पार्टीया ध्यान प्रशासनय् कर्मचारीतन्त्र महय्गु, अपलं जनताता भिं जुइगु मागत ह्दाय् तयो नीति त दय्केगु, जबर्जस्ती मखु धःगू इच्छां पार्टी द्वहँ वयकेगु, अलय का. किम इल सङ्गं धायो द्यथें 'फुक्क पार्टी जनताया दश्वी वानय्गु, नीति पार्टी काई, लच्छीखय् हिं डान्ह जनताया दश्वी वाड ज्या सानय् मः । पार्टीया कार्यकर्ता पिसं हुकुम बिय्गु मखु सेवा याय्गु खः धाय्गु थी थी खाँत प्राध्यापक जुं लिसः बियो दिलः ।

क्रान्तिकारी अभिभारत पूर्वांकयता पार्टीया प्यख्यरं कृषि श्रमिक संघ, समाजवादी श्रमिक युवा संघ, प्रजातान्त्रिक महिला संघ ज्या साडः च्वंगु दः । मजदुर संघया ज्या मजदुरपिन्ता राजनीतिक शिक्षा विय्गु व पार्टीया नीति कानय्गु खः । पार्टी कार्यकर्तापिसं २४ घण्टा (चच्छी न्हिच्छी) खय् च्याघौ ब्वनय्गु, च्याघौ ज्या सानय्गु, च्याघौ आराम याय्गु व्यवस्था याडःतयागु खाँ काडः दिल । का. किम इल सङ्गया निर्देशन काथं जनताता शिक्षित याडः ग्वाकेगु जूसा हिक मखु सच्चिकः नपालाड जूसां ग्वाकय्मः ।

छगू न्ह्यसःया लिसलय् धःसा मन्त्रीतय्गु तलब वा भत्ता २५० वन दै अलय २ प्रतिशत चन्दा पार्टीया दुजः पिसं पुलय मः धायोदिल नपां पार्टी स्कूलय् छु विषय ब्वकि दक न्यडा बलय् पार्टी गथे दय्केगु, पार्टीया इतिहास, दर्शन शास्त्र व जुछें विचः, राजनैतिक अर्थशास्त्र, उद्योग, कृषि संस्कृति थी थी विषय नपां कम्प्यूटर व विदेश विभागया विषय नं बिस्कं ब्वकिगु खाँ काडः दिल ।

दकलय् लिपा प्राध्यापक जुं घायो दिल - पितृभूमिया स्वतन्त्रताया लागिं जनता व सरकारया न्ह्यलुवा जुइम्हा, जनता नपां ज्या याइम्हा राज्य व पार्टीया निंतिं योग्य पुं कार्यकर्तात ब्वलांकय्गु हे थुगु पार्टी स्कूलया तातुना खः धायो दिल ।

मौशम नपां स्वापु दःगु नखा सिथि नखा

आशा कुमार चिकंबजार

ई सुनं पानय् मफैगु खाँ सकसिनं स्यूसां मौशमया बारे थथेहे जक धायता तस्कं थाकु । धाई - 'मौशम व मतिनाया भर मरु । गुब्ले छु जुई धाय् थाकु । नकतिनि लिभः थिड च्वंगु स्वस्वं कुसा मज्जवंसें वम्हा मनु वलं दाय्क वयमःगु भीसं खाडः हे च्वडागु खः । अथेहे नकतिनि लयतायो च्वम्हा यजु तुरन्त तंचायो फःफः स्वयो वानिगु नं भीसं न्यडाः, खाडाः, सिया/उकीं सिथि नखा बलय् व वय्गु सुरुयाइ धःसां गुब्ले गुब्ले मवय नं फः । अथेनं अपलं म्हवँ वयो हे च्वनि । उकिं भी पुर्खापिसं धायो तकगु जुई - सिथिं साति वा पिज्या, पायंसाति बालय् ज्या दक ।

सिति नखाया वः नयो बुलुहुँ रसरङ्गया खाँत न्ह्याकी । रतिरागात्मक भौ कायगु थुखुनं निसें न्ह्याकिगु सायद न्हगु पुस्तां मसिल जुई । थुगुड्लय् नैगु व-चतामारीया महिमा नपां गनाँ अशिललताया पलं खं ख्वः त्वपुयो गनां शिलल थें याड भौ कायगु चलन नं त्वः फ्यु फ्यु यंकल ।



वर्षाबलया सङ्केत नं सिथि नखा खः । उकीं लिपा थी थी ल्वय, भ्राडाबान्ता, हैजा वैगुलिं नाः या छँत, तुंथि, ब्बड, ल्वहँहिति, मुहान सफायाड तय मःगुलिं थुखुनुं उगुथाय् सफा याइगु चलन अः नं ल्यं दःनि । श्वनं लिपा वापिज्या याय् मः गुलिं लिइ मलाइगुलिं थुखुनुं हे नाः या स्रोतया सफा याड तय मःगु ज्या भी पूर्खा बुद्धि पिकायो हे याकः तकगु खः । नपां थुखुनुं म्वः मल्हम्हासें वर्षा फ्यु फैमखु धायो म्वँः ल्हुकिगु चलन नं पूर्खा श्वनं लिपाया सिन्हाज्यायाता बिचः याड हे याक तक गु खः दकः धाय फः । श्व तस्कं वैज्ञानिक ढंगं पुर्खा विचः याकः तकगु खः । नपां तुंथि सफा याइबलय् क्वय भेटय् इयता न्हःपां क्वल्हँचाय् मता छप्वा च्याकः क्वता छोइगु, गुगु मतासीसा नाः बुइकिम्हा नाग तंचाल धायो क्वहँ मवानिगु अलय मतामसीसा क्वहँ वाडः अपाः बाक्व, भेते इयगु याई । थुकिदुनय् नं वैज्ञानिक तथ्य मरूगु मखु । क्वय् अक्सिजन मरूसा मता सीगुलिं मनु क्वहँ वानय्मते धायो नागः

नपां स्वाडः वानय् मज्यु धायो तःगु वैज्ञानिक : तथ्य हे खः । अलय नाः छँ त ल्यंक तय्मःगु उगु थाय् यचुपिचुकु तय मःगु नं वैज्ञानिक तथ्य काथं मकः सिं मगा । अलय, ब्बड, ल्वहँहिति थजगु मनूया जीवन नपां तप्यंक स्वापु दःगु थासय् सफायाय् मः । धाय्गु सन्देश नं म्हवचागु ज्ञान मखु । उकिं सिथि नखा छगू वैज्ञानिक सन्देशया नखा नं खः ।

न्हूगु वा बाली वै बलय् योमारी छुड न्वागी नै थें न्हूगु छ्वः वइबलय् म्हछ्यामारी छुडः नवदुर्गाता छायो थः पिसं नैगु नं छगू काथंया अमूर्त सम्पदा खः सां मनूया संस्कार दुनयया आस्थाया मता मखुजक गथे धाय् फै । थुगु नखा दाचछीया मूघा अथे धाय् क्वचाइगु नखा काथं नं काय्गु या । गुलिसिनं थुकिता म्हयाय्मचा नखा दक नं धः । सायद छँ जः पिनि भव्यं नय धुंक लिपालाक म्हयाय्मचाता सःतिगुलिं लिपाया नखाता म्हयाय मचा नखा धःगु जुयमः, नः कि हेला याड धःगु धःसा पक्का नं मखु । छाय् धःसा वहे म्हयाय् मचाता हनाबना याड नखात्या सःतक तकपुं भी पुर्खा म्हयाय् मचाता गथे हेला याय् फै । अलय गाथामग च्हेया नखाता काय् मचा नखा व ग्वःघा नखा काथं कायो तःगु खानय् दः । छगू सञ्जोग धाय वा ज्यापा मिलय् याड तःगु काथं थुखुनुं निसें भौ काइगु गाथामगः उडः वय् धुंकः द्यो याय्गु नां कायो ल्याहाँ वैगु नं पुर्खाया बुद्धिं ग्वाकः न्ह्याक तकगु च्दय मधः सिं मगा ।

सिति नखां वः चतामारी नय्गु यासेलिं बुलुहुँ दशहरा वलकिं फाकं नय्मः गु खाँ नं भी पुर्खा काडः तक काथं भीसं छ्यलः च्वडा । अलय भगस्ती (भलभल अष्टमी) खुनुं नवदुर्गा द्यो नं जलसं बिज्याइगु धायो नाः फोहर याय मज्यु धायो धर्मया खोल तयो मनुतय्ता ज्ञान बियो तकगु भन हे वैज्ञानिक खानय्



वयःःहयगूगु स्वप पौ. बःछि पौ(पाक्षिक)

दः । गुलिं मचात पाँवुतयो तः थाय् धलं ब्वाइगु जक मखु वहे पाँवुं वा पाँवुया नाः न्हापा त्वनिगु नं जुगुलिं हैजा डाडः पुडः : वानि धायो द्योया लिधंसाय थजगु धार्मिक नियमं चिड तकगु नं तस्कं बांला । अलय भगस्ती बः वइगु धायो उखुनुं स्वमा पियगु नं याक - तकगु नं पुखाया बांलागु बिचः या लिचवः खः । अलय नाः खय् च्वनिपुं जलचर प्राणी डा, ब्यां, कःलि थजपुं अपलं प्राणीया मचा थ्वकिगु ई जुगुलिं नं नाखय् फोहर याय् मज्यू धायो तःगु खः सा थुगु इलय् वः वयो खुसी बः वइगुलिं म्हेगः थें नाखय् अपः म्हितय् मते धाय्गु छगू सावधानी खः ।



सिथि नखः या इलय् कार्तिकेय कुमारया पुजा याइगु चलन दः । कुमारया जन्म खुसी अथे धाय् नाखय् जूगुलिं नं नाः फोहर याय् मज्यूगु अलय् महादेव व पावतीया बीर्य सप्त ऋषि पत्नीपुं मध्ये खुम्हासिं खुसी ल्हवयो खुपा ख्वः दः म्हा कुमारता गड्गां काय डालः कःगु लिं नं सिथि नखा नाः नपां स्वापु दःगु खःला ? अथेहे नेवःतय्गु छँ पलेहः खुहः कुमारया ख्वःपा भः पियो दय्कः तःगु पिखालाकी गणेद्योकय् वानय् हाँ ख्वलाय् तयो नाः नपां तयो वाय् यंकिगु अथे धाय् पूजा छाय् यंकिगुलिं नं नाः

तयो यंकिगु या अर्थ नाखय् जन्म जूगुया दसु खः ला ? अनुसन्धानया विषय जुय फः ।

यलामुखु स्वं ह्वयो स्वागत याइगु थुगु इलय् बुलुहुं थःगु स्वँ डालः, कुकु च्वडः च्वंपुं चखुं बखुं नं मचा थ्वकिगु ई नं खः । तस्कं तः नुयो चःति वैगु ई नपां इलय् ब्यलय् वयो च्वनिगु वलं नं नाः नपांया स्वापु तयो च्वनि । नपां सीसाफलया बू फुक्क ब्याडः भोगत्या, आमासी थजगु सीसाफलया ग्वः चिनिगु ई नं थ्व हे सिथिनिसें खः । उकीं सिथी नखा मौशमया सड्केतया महिना खः जक धाय् फः ।

थुगु इलय् सिसा फल मायँ ग्वः चिनिगु जक मखु, तुसि, रामतोरिया, पालु, हलु, प्वाचा नं चुली जायो फय् नपां फाराफारा साडः लय् ताइगु ई नं खः । अलय् गुब्लें गुब्लें प्रकृतिया तमं व मवयो थ्व स्वमा, प्वाचात सी सी तुल वांकः बुँ ज्यामि पिन्ता सीतपात वांकः ख्याय् नं यो । उगु इलय् बासी पुजा याइगु चलन दः । अलय् हर-हर महादेव धाधां नाः फ्वडः द्यो याता धुर्कीक्यनिगु ई नं खः ।

पलाँती जात्रा जुइगु ई नपां धरबासी पलाँती जात्रा स्वः वानिबलय् व मवसें मगा दक नं धायो तःगु खः । पनौती पून्ही खुनुं छ्वख्वँ स्यंकय् मज्यू धायो छँ आराम याइगु या अर्थ अः न्हायाइगु सिन्हाज्या वइन उकीं शक्ति सञ्चय यो धःगु नं जुय फः ।

थ्वहे इलय् सहकायल द्यो करुणामयया जात्रा नपां भ्वाथ नं क्यनिगु ई नं नेपालः वइगु ई खः । थुगु इलय् नं वः मवसें मगा धायो तःनुगु इलय् नाः फ्वनिगु चलन मरुगु मखु ।

थथे क्वागु धर्तीया राप तांकय्ता वः वयक ब्यू धाधां थी थी दिनया महत्व कः घासे वर्षा नपां स्वापु दय्कः सिथी नखा निसें स्वापु तय् हैगुलिं सिथि नखा मौशम नपां स्वापु दःगु नखा खः जक धाय् फः ।

इनाप

ख्वप नगरपालिका पाखं पिथाडः च्वंगु स्वप पौ बः छि पौ खय् बांलागु च्वसु त बियो ग्वाहाली याडः दिसँ । उगु रचनाया ल्य ज्या याडः पारिश्रमिक बियगु खाँ ख्वप नगरपालिकाया २०७७ श्रावण २६ गते च्वंगु बैठकं

क्वः छ्यूगु खाँ ब्याक च्वडा ।

सम्पादक
ख्वप पौ

ख्वप नगरपालिकाया ज्या भवः त

अः याय्गु चुनाव विचः या मखु पदया धिंधिबल्ला खः

जेठ १२

ख्वप नगरपालिकाया प्रमुख सुनिल प्रजापति नपां इमेज च्यानलया ज्या इवः 'द मर्निङ्ग ग्लो' सं बिचः प्वंकःदिसे अःया चुनाव विचःया धिंधिबल्ला मज्से पदया धिंधि बल्ला जुगुखाँ काङ्गु दिल ।



दलीय व्यवस्थाय् दलया पलिसा दल हे वय मःगुलि देया थी थी थासय् स्वतन्त्र मनूनं मू मू पद त्याकय्गु धाय्गु जनतां थःगु हे पार्टीया न्हयलुवापिन्ता अस्वीकार यागु खः धायोदिसे वयकलं त्याकः वपुं जनप्रतिनिधिपिन्ता घोषणापत्र काथं ज्या मसांगुलिं

जनता तय्के थःगु पार्टीता हे विश्वास मयासें असन्तुष्टि प्वंकगु खः धायोदिल ।

ज्या इवःसं प्रमुख प्रजापति जुं स्थानीय तहता अधिकारं जायकः बल्लाकक यंकय् मः धायोदिसे नेमकिपां निःस्वांसां निसें राजनीतिता देश व जनताया इमान्दार जुयो सेवा याय्गु भावनां ज्या साङ्ग वयो च्वंगु खाँ ब्याक दिल ।

ख्वप नगरपालिका फुक्क ज्या न्हयकनय स्वय्थें पारदर्शी काथं पिब्वयो वयो च्वंगु, नगरपालिकाया बजेट, आम्दानी चन्दा थी थी खाँत थी थी माध्यमं जनताता थुङ्कः वयो च्वंगु खाँ ब्याकसे पुँजीवादी व्यवस्थाय् विचः स्वयो पद व लबः या नितिं धिं धिं बल्ला याङ्गु खाँ काङ्गु दिल ।

नेमकिपां चुनावता जनताया चेतनास्तरया दापु काथंकायो छ्यलः, वयो च्वंगु खाँ ब्याकसे सच्चिदा लिपाया ख्वप दे (सयवर्षपछिको भक्तपुर) या लिघंसाय् ज्या साँसां ख्वप नगरपालिकां भ्नीगु थःगु हे पहलं छँ दानि पिन्ता आर्थिक अनुदान ब्यू ब्यू वयो च्वंगु खाँ नं ब्याक दिल ।

स्वनिगःता सांस्कृतिक केन्द्रकाथं हछ्याङ्गु देया भाय् संस्कृति ल्यंकः तयता बिस्कं पला छियमःगु खाँ प्रमुख प्रजापतिजुं धायो दिल ।

छँ छँ नर्सिङ्ग सेवा ब्यूगु न्हापांगु नगरपालिका

जेठ १३

ख्वप नगरपालिकाया प्रमुख सुनिल प्रजापतिजुं ख्वप नगरपालिका छँ छँ नर्सिङ्ग सेवा न्ह्याकः जनताया सेवा यागु न्हापांगु नगरपालिका खः धायोदिसे वीर अस्पताल नर्सिङ्ग क्याम्पस या बी. एम. एस. नेगूगु तगिसं ब्वङ्गः च्वंपुं ब्वनामिपिनिगु ग्वसालय जुगु 'मातृत्व व प्रजनन स्वास्थ्य' विषयसं जुगु 'घरदैलो नर्सिङ्ग ज्याः इवः' प्रस्तुतीकरण कार्यक्रम सं न्वचु तयो दिसे वयकलं ख्वप नगरपालिकां अः भन बांलाक छँ छँ नर्सिङ्ग सेवा हछ्याङ्गु यंकय्गु खाँ ब्याक दिल ।

स्वास्थ्य लागाता हृदायतयो ख्वप नगरपालिकां ख्वप अस्पताल चाय्कागु खाँ ब्याकसे वयकलं वडाय्-वडाय् आधारभूत स्वास्थ्य केन्द्र निःस्वानय्गु मति दःगु खाँ काङ्गु दिल । वयकलं सुचुकुचुता हृदायतयो फोहर बांलाक थासय् लाकयता ध्वगिङ्गु व



ध्वमगिङ्गु फोहर छख्य लिङ्क मुंकः वयागु खाँ नपां ख्वपया जनतां थः भः पियो न्ह्याबलें इयातुगु ग्वाहाली, साथ सुभावाव बियो वयो

चवंगुलिं हे थौ खवप दे, देया बवसेलागु व नमूना नगरपालिका काथं तःलाय् फः गु खः धायोदिल ।

ज्या भूवः सं वीर अस्पताल नर्सिंड क्याम्पस प्रमुख बन्दना थापा जुं वीर अस्पतालं खवप अस्पताल नपां मिलयजुयो ज्या सानय् दः गुलि लय्ता प्वंकसे कन्हेया दिनय् पारदर्शी व जनमुखी ज्याखय् खवप नगरपालिका न्ह्याब्लें हृदाय लाइगु आशा प्वंक, दिल ।

A Training on Data Analysis listing(SPSS)

जेठ १३

खवप नगरपालिकाया प्रमुख सुनिल प्रजापति जुं वागीश्वरी कलेजया ग्वसालय व विश्व विद्यालय अनुदान आयोग नपां मिलय जुयो A Training on Data Analysis listing SPSS या स्वन्ह्या तालिमया उलेज्या पानसय् मताच्याक याड, दिल । ज य ।

इवः सं वयकलं खवप नगरपालिकां शिक्षा लागाय् याड चवंगु लगानी व योगदानं देशां देछीया बवनामिपिन्ता शिक्षित व दीक्षित जुयगु हवता चूलागु खाँ कुल दिसे वागीश्वरी कलेज व विश्वविद्यालय अनुदान आयोगया मंकः कुलतय् जूगु तालिम तःलाइगु विश्वास प्वंकः दिल । नपां शिक्षकपिसं सय्क तःगु शिक्षां बवनामिपुं बांलापुं काथं हज्याइगु खाँ नं काड दिल ।

खवप नगरपालिकाय् हकनं जनप्रतिनिधिपुं त्यागु धाय्गु खवप नगरपालिकां सांगु ज्यात जनतां विश्वास यागु खः धायोदिसे वयकलं नगरपालिकां तःलाक ज्या साडः अपलं मतं त्याकगु देयालागिं हे छगु बवसेलागू व गौरव याय् लाइकगु खः धायोदिल ।

राज्यं सामुदायिक संस्थाता चवजाय्क यंकय्ता उगु लागाय् अपलं लाय छयलय्मःगु नपां दे थःगु तुतिखय् दानय् फय्केगुलि राज्यं मः काथं पला छियमःगु खाँ कुलदिसे वयकलं दलगत स्वार्थं दे गुब्लें हे हज्याय मफइगु खाँ काड दिसे सरकारं भीगु देशय् हे देसी सः कारखाना चायके मः धायोदिल ।

वासु मा. विं जनप्रतिनिधि पिन्ता भिन्तुना ज्या इवः

जेठ १३

खवप नगरपालिकाया प्रमुख, उप प्रमुख नपां वडा नं २ या वडाध्यक्ष नपां वडाया दुजः पिन्ता लसःहना नपां भिन्तुना देछाय्गु ज्या इवः बासु मा.वि. या ग्वसालय २०७९ जेष्ठ १३ गते शुक्रबार जुल ।

ज्या इवः सं नकतिति त्याकः भःमहा नगर प्रमुख सुनिल प्रजापति जुं सामुदायिक बवनय् कुथिया गुणस्तर स्तरोन्नति याडः हछ्याड यंकय्ता बः ब्युगुलिं हे सामुदायिक बवनय् कुथित हज्याय् फःगु नपां देशां देछिया बवनय्कुथित नपां धिं धिं बल्ला याड चवंगु

वयःन्हयगूगु खवप पौ. बःछि पौ(पाक्षिक)

ज्या भूवः सं वीर अस्पताल नर्सिंड क्याम्पसया शिक्षिका पूणदेवी महर्जन, बवनामिपुं पुजा अरुडी, करुणा थापामगरपिसं ज्या इवः या मू उद्देश्यया खाँ काड दिसे वैगु दिनय् नं थजगु हे साथ व ग्वाहाली दैगु आशा प्वंकः दिल । ज्या इवःसं वीर अस्पताल नर्सिंड क्याम्पसया बवनामिपिसं 'मातृत्व व प्रजनन स्वास्थ्यया' विषय तःबव ज्या नं यागु खः ।



खवप नगरपालिका वडा नं ९ या वडाध्यक्ष रविन्द्र ज्याखव जुं थी थी अध्ययन अनुसन्धानं प्याहाँ वगु लिचवं (तथ्य, तथ्यांक) समाज हछ्याय्ता छयलय् दःसा अपलं बांलाइगु खाँ ब्याकसे खवप नगरपालिकां छँ छँ नर्सिंड सेवा बियो समाजया धात्थेंगु अवस्था क्यनय् फःगु खः धायो दिल ।

वागीश्वरी कलेजया प्राचार्य धनकुमार श्रेष्ठ जूया नायो सुई जूगु उगु ज्या इवः सं वागीश्वरी मा.वि या प्र.अ.कृष्णप्रसाद धन्छा, पूर्व शिक्षक ज्ञान सागर प्रजापति, विश्वविद्यालय अनुदान आयोग पाखं धन कृष्ण प्रजापति, वागीश्वरी अनुसन्धान विभाग प्रमुख मोहन कृष्ण श्रेष्ठ पिसं नं तालिमया औचित्यया खाँ काडः द्यगु खः ।

खः धायो दिल ।

वयकलं खवप देता हलिमय बवसेलागू काथं हछ्याय्ता व सच्छिदा लिपाया खवप दे (सयवर्ष पछिको भक्तपुर) याय् म्हागस पू वांकय्गु काथं खवप नगरपालिका हज्याड चवंगु खाँ ब्याक दिल ।

खवप दे थौ देशयाय् हे सुनुकुचुगु नगर, उन्कृष्ट शैक्षिक गन्तब्यस्थल, सांस्कृतिक सम्पदां जः गु नगरकाथं थःगु म्हासिका पिब्वयता तःलागू नगरकाथं हज्याड चवंगु खाँकुल दिसे दलगत व व्यक्तिगत स्वार्थं दे हज्याय् फैमखु धायोदिसे वयकलं जनता सचेत



जूसो हे विकास यायता उलि थाकुमजुइगु खाँ ब्याकसे नगर प्रमुख प्रजापति जुं समाजवादी मोडलकाथं नगरपालिकां थःगु ज्या इवःत ह्दाय तयो पलाछिड च्वंगु दः धायो दिल ।

उप-प्रमुख रजनी जोशीजुं ख्वप दे देया दकलय् चिच्याक्वगु नगरपालिका जूसो नं ख्वप दे नगरपालिकां यागु ज्या देशां देछी सिनं डालकाय बहजुगु खाँ कुल दिसे ख्वप विश्वविद्यालय चाय्केगु ख्वप नगरपालिकाया तातुना खः धायो दिल ।

वयकलं छँ छँ नर्सिड सेवा अभ्त्त बांलाकः घिसिलाक न्ह्याकयगु, अरनिको सभा भवन, न्हयकं इयो दरबार दानयगु, अःलिपाया ज्या इवः खः धायोदिसे अनुसन्धानमूलक ज्यात ह्छ्याड

यकेगु खाँ नं ब्याक दिल ।

ख्वप नगरपालिका वडा नं. २ या वडाध्यक्ष हरिप्रसाद वासुकलां देको-मिबा-इटापाके आवास योजना न्ह्याकय् मःगु या खाँ कुल दिसे आयोजना अःमथां हे पू वानिगु विश्वास प्वंक दिल ।

वासु मा.वि. व्यवस्थापन समितिया नायो बालमुकुन्द वासुकलाया नायोसुई जगु उगु ज्या इवः सं वासु मा.वि. या प्र.अ. अम्बिका न्याइच्याई, कलेजया शिक्षक सबिन ख्याजुं नं नकतिनि त्याक भ्त्तःपुं जनप्रतिनिधी पिनिगु कार्यकाल सूथां लाय्मः दक भिन्तुना देछायो दिल ।

लसय्ः हना ज्या इवः

नेपाल क्रान्तिकारी डकःमि संघया ग्वसालय नेपाल मजदुर किसान पार्टीपाखं त्याकःभ्त्तःपुं प्रमुख उप-प्रमुख नपां सकल जनप्रतिनिधि पिन्ता लसः हना नपां भिन्तुना ज्या इवः २०७९ जेठ १३ गते जुल ।



स्थानीय स्काउट कार्यालय भक्तपुरया ग्वसालय ख्वप नगरपालिकाया प्रमुख, सुनिल प्रजापति जुं उप प्रमुख रजनी जोशी जु याता लसय् हानयगु ज्या इवः २०७९ जेठ १४ गत छगू समारोहसं जुल ।



अथेहे ख्वप नगरपालिका वडा नं ३ या ग्वसालय् जगु मतदातापिन्ता सुभाय् देछाय्गु ज्या इवः नं जुल । नपां नेपाल मजदुर किसान पार्टी निर्वाचन परिचालन समिति खलाँ ख्वप नगरपालिका वडा नं. ५ या ग्वसालय नकतिनि त्याकःभ्त्तःपुं जनप्रतिनिधि पिन्ता लसय् हना ज्या इवः जुल । उगु ज्या इवः २०७९ जेठ १४ गते शनिवार जुगु खः ।

चयःन्हयगूगु खवप पौ, बःछि पौ(पाक्षिक)



अथेहे समय बचत व ऋण सहकारी संस्था लि. या हिन्यकगू निःस्वाना दिं या लसताय् खवप नगरपालिकाय् त्याक भःपुं जनप्रतिनिधिपिन्ता लसः हना नपां भिन्तुना देछाय्गु ज्या इवः जेठ १४ गते शनिवार जुल ।

नेपाल मजदुर किसान पार्टी निर्वाचन परिचालन समिति खलौं खवप ५ वडाया ग्वसालय् न्हँ पुं जनप्रतिनिधिपिन्ता लसः हना नपां भिन्तुना ज्या इवः जुल ।



अथेहे भक्तपुर युवा टिमया ग्वसालय् शनिवार स्थानीय चुनाव २०७९ सं त्याकः भःपुं उम्मेदवारपिन्ता लस हना नपां भिन्तुना देछाय्गु ज्या इवः जुल ।

खवप नगरपालिका वडानं ९ या ग्वसालय् स्थानीय तहया निर्वाचन २०७९ सं नेमकिपा पाखं त्याकः भःपुं सकल उमेदवार पिन्ता लसः हना नपां मतदातापिन्ता भिन्तुना देछाय्गु ज्या जुल ।

खप इन्जिनियरिड कलेजय् न्हुपुं ब्वनामिपिन्ता अभिमुखीकरण

जेठ १५



खप नगरपालिकापाखं न्ह्याक च्वंगु खप इन्जिनियरिड कलेज व खप कलेज अफ इन्जिनियरिड कलेजया मंक कुतलय् जूगू न्हुपुं ब्वनामिपिन्ता अभिमुखीकरण २०७८/७९ नपां च्व जः म्हा ब्वनामिपिन्ता हानेज्या कार्यक्रम आइतबार जुल ।

ज्या इवः या मू पाहाँ नेपाल मजदुर किसान पार्टीया छ्याञ्जे नपां संघीय सांसद प्रेम सुवालं म्हवचा धेवां ब्वनामिपिन्ता युगं फ्वंथें गुणस्तरीय शिक्षा वियगु मतिं खप नगरपालिकां थं स्वयो नीदा हाँ खप सर्कल पाखं कलेजत निः स्वांगु खः धायो दिल ।

खुइ न्हयगू जिल्लाया ब्वनामिपुं ब्वड च्वंगु इन्जिनियरिड कलेज व खप कलेज अफ इन्जिनियरिडं दांकः, भिंकः, बांलाकः, गुणस्तरीय इन्जिनियरिड शिक्षा बिइगु देयाय् हे च्वजःगु कलेज काथं हज्याड च्वंगु खाँ कुल दिसे खप नगरपालिकाता खप विश्वविद्यालय चाय्केता स्वीकृत ब्यूसा हिंडागू लाखं एम बी बी एस शिक्षा वियफैगु खाँ ब्याकसे वयकलं एम.बी.बी.एस.या नामय नेपः या निजी कलेजं सरकारं क्वछिड ब्यूगु शुल्क (धेबा) स्वयो नेदुगं स्व दुगं धेवा अपः कायो ब्वंकः वयो च्वंगु थौं या खपाः प्वलदिसे शिक्षाया नामय लुटेयाड ठगय् याडः च्वंपिनिगु विरुद्धय् खप नगरपालिकां उगु कलेजत निः स्वांगु खः धायो दिल ।

शासक दल नेपःमि पिनिगु जिम्मेवारी काथं पिब्वय मफूगु द्रुपं बियो दिसे वयकलं देया भौतिक विकास निर्माणय् इन्जिनियर पिनिगु त हांगु लाहा दै गुलि योग्य व इमानदार इन्जिनियरत ब्वलांकय्ता कलेजं ब बियो वयो च्वंगु खाँ काड दिल ।

जलस्रोत व बिजुलीखय् हलिमय हे तः मिगु दे काथं नां दांगु भीगु दे खयानं भारतं बिजुली मन्यासी मगाकः च्वंगुलिं दोषी शासक दल हे खः धायोदिसे सांसद सुवालं एमसीसीया हुनि नेपः या सार्वभौमिकता हे तानिगु स्थिति वयो च्वंगु दः धायो दिल ।

ज्या इवः सं खप नगरपालिकाया प्रमुख सुनिल प्रजापति जुं खप नगरपालिका पाखं न्ह्याकः च्वंगु कलेजया उद्देश्य काडः दिसे व्यक्तिगत कलेजं नेम्हा प्यम्हा मनूतदक तः मि जुइगुलिं खप नगरपालिकां सेवामुखी कलेजत चायकः देशां देछीया ब्वनामिपिन्ता

उत्कृष्ट शिक्षा बियो च्वंगु दः धायोदिल ।

कलेजय् न्हूँ न्हूँगु विषयत तानय्ता अपलं पंगःत थाड वगु चुनौती नपां ल्वाडः हज्याडः च्वडागु खाँ ब्याकसे प्रमुख प्रजापति जुं विज्ञान, इन्जिनियरिड, मानविकी, व्यवस्थापन नर्सिड, होटल म्यानेजमेन्ट, कानुन थजगु विषयता तसिकं कतिलाकः ब्वंकः च्वंगु खाँ काड दिल ।

खप नगरपालिकाया उप-प्रमुख रजनी जोशी जुं विशिष्टता कः घाडः वयो च्वंगु खप नगरपालिका पाखं चायकः तःगु कलेजं ई काथं शिक्षा ब्यू ब्यू च्वजायकः ब्वंकः उत्कृष्टता कायो च्वंगुलि गौरवान्वित जुयागु खाँ ब्याकसे खप देता ज्ञान विज्ञानया केन्द्र दय्केता थुगु कलेजं अपलं घ्वासा बियो वयो च्वंगु खाँ ब्याकः दिल ।

खप नगरपालिका वडा नं ९ या वडाध्यक्ष रबिन्द्र ज्याख्व जुं जनस्तरं चायकगु खप सर्कलया कलेजं देशादेछीया ब्वनामिपिन्ता च्वय् थयंक शिक्षा काय्गु च्वजःगु थाय् जूगु खाँ काडः दिसे खप नगरपालिकां चायक तःग खप सर्कल दुनयया कलेजत स्थानीय तहं चायकगु देयाय् हे न्हपांगु कलेज खः धायो दिल ।


ज्या इवः सं नेगू कलेजया प्राचार्यपुं सुजन माक व सुनिल दुवालं कलेजया शैक्षिक अवस्थाया खाँ काड दिलसा कलेजया शिक्षकपुं नवराज बुढाथोकी नं न्वचु तयो द्यूगु खः ।

ज्या इवः सं मू पाहाँ सुवालं कलेजया च्वजःम्ह ब्वनामि सन्तोष कटुवाल व रमण श्रेष्ठता मेडल, दसिपौ व (नगद पुरस्कार) दां नपां या सिरपा लः ल्हाड दिल ।

**नगरपालिका भीगु हे संस्था खः
इलयहे करपुल ग्वाहाली याय्नु**

वागीश्वरी कलेजया स्वन्ह्या तालिम क्वचाल

जेठ १५



वागीश्वरी कलेजया ग्वसालय जेठ १३ गते न्ह्याकगु स्वन्ह्या तथ्याङ्क विश्लेषण तालिम आइतवार जेठ १५ गते क्वचाल ।

ज्या इवः सं मू पाहां खवप नगरपालिकाया प्रमुख नपां वागीश्वरी कलेजया व्यवस्थापन समितिया नायो सुनिल प्रजापति जुं छुं नं निकायं ग्वाहालि याःसा जक तालिम बियगु मति मतसैं थः ता मः काथंया तालिम थमनं हे न्ह्याकय् मः धायो दिल ।

तालिम औपचारिकताय् जक सिमित मयासैं थी थी देया विश्व विद्यालय नपां समन्वय याडः विदेशी प्राध्यापकपुं व ब्वनामिपुं नपां सेमिनार याइगु विश्वास प्वंक दिल ।

भत्तानय्ता संस्थाया मू मनु फुक्क थासय् छगू छगू तालिमय थः हे वानिगु सरकारी मानसिकता त्वः तः पालंपः फुक्कसिता तालिमय् छ्वयो सय्के विय्मः धायोदिसे संस्थाया मू मनु नं तालिमया

नामय् संस्था त्वःतसा जनतां दुःख सिद्ध धायो दिल ।

गणतन्त्र निःस्वानय् धुक, अपलं जुजुपुं प्याहाँ वगुलिं बेरोजगारपुं, अपलं दः यो, वगु भ्रष्टाचारीत अपः दयो वगु नपां जुजुचा (छोटे राजा) पिसं जनताया आशा पूर्वाकय् मफैगु खाँ ब्याकसे वयकलं रेमिट्यान्सया भरे च्वडः अर्थतन्त्रं दे कतया भरय् लाइगुलिं देशं थःगु तुतिखय् चुय् फैगु काथं हज्याय्ता ज्या इवः त दय्के मः धायोदिल ।

च्यागुलाख जनताता गरिबीया चें खं थाकाय्गु धःगु खाँ फय् खाँ खः धायो दिसे वयकलं हिंखूगु खर्ब ब्यापार घाटा जुयो च्वंगु देशय् डादाय् दुनय् ब्यापार घाटा माथांकय्गु धायो च्वंगु पत्यायाय् मफैगु खाँ खः धायोदिल । नपां सिंहदरबारं कः घाडः च्वंगु संघीयता, मन्त्रीतय्गु चाकडी याकेगु सोच खः धायो दिसे वयकलं बजेटय् स्थानीय तहया लागिं सशर्त अनुदान स्वायत्तता व विकेन्द्रीकरणया अखः खः

धायो दिल ।

खवप नगरपालिकां जनताया सेवाया लागिं थःगु हे लगानी खय् बांलागु अत्याधुनिक अस्पताल दय्क च्वंगुता बेवास्ता याड ग्वाहाली मयासीं बजेट (फिज) सितिं वांकःगु प्रदेश सरकार धात्थें धाय्गु खःसा औचित्य मरुगु खः धायो दिसे वयकलं १०० शैय्याया अस्पताल स्वीकृति बियता हे लिफिलिफिचवड च्वंगु खाँ काडः दिल ।

कलेजया प्राचार्य धनकुमार श्रेष्ठ स्वन्ह्या तालिमं सयकगु सीप शिक्षकपिसं वैगु दिनय् ब्वनामि पिन्ता स्यनय्ता छ्यलिगु विश्वास प्वंक दिल ।

विश्वविद्यालय अनुदान आयोगया धन कृष्ण प्रजापतिं ज्या इवः ता खः थें जक याडः औपचारिकताय् जक लिक्कुं तैगु अपलं संस्थात दःग थौं या इलय् वागीश्वरी कलेजं अपलं मेहनत याड ज्या इवः बांलाक क्वचाय्कगुलि विश्वविद्यालय अनुदान आयोग गौरवान्वित जगु खाँ ब्याक दिल ।

तालिमय् स्रोत ब्यक्तिपुं सह प्रा.डा. गोविन्द तामाड, डा. गौतम महर्जन, डा. किशोर हाकुदुवाल, डा. बलराम दुवाल, अर्जुन गैरे व नवीन प्रजापति पुं च्वडः द्यगु खः ।

वागीश्वरी कलेज अनुसन्धान व्यवस्थापन एकाईया कजि प्रा. डा. सिद्धिवीर कर्माचार्यया सभानायोलय् जगु ज्या इवः सं स्रोतव्यक्ति डा. बलराम दुवाल, प्रशिक्षार्थी सुनिता मस्तारा, तालिमया कजि विकल प्रजापति पिसं नं न्वचु तयो द्यगु खः ।

तालिमय् ब्वतिकःपुं प्रशिक्षार्थी (सय्कामि) पिन्ता ज्या इवःया मू पाहाँ सुनिल प्रजापतिजुं दसिपौ लःल्हाडः दिल । तालिमय् गुगु कलेजया प्रतिनिधिपुं दुतिगु खः ।

लसः हना ज्या इवः

प्रमुख ज्यू निरीक्षणय्



जेठ १६

निजी आवासीय विद्यालय अर्गनाइजेशन नेपाल (प्याब्सन) नगर कार्य समिति खपया ग्वसालसय् खप नगरपालिकाय् त्याक भःपू प्रमुख, उपप्रमुख, वडाध्यक्ष पुं व वडाया दूजः पिन्ता हानेज्या नपां लसः हना ज्या इवः २०७९ जेठ १६ गते छगू समारोहसं जुल ।

खप नगरपालिका वडा नं १० य् च्वंगु ससुद्यो फल्चा ल्हवनय्-कानय् याड् च्वंगु थासय् अः प्वल्हँ चियगु ज्या जुयो च्वंथाय् खप नगरपालिकाया प्रमुख सुनिल प्रजापति भायो निरीक्षण याड् दिल । उगु फल्चा ल्हवनय्ता स्थानीय जनतां श्रमदान नं यागु जुल ।

जनप्रतिनिधिपुं व कर्मचारीपुं थाकु मचःसैं देश व जनताया सेवासं समर्पित जुयमः



जेठ १७

नेपाल मजदुर किसान पार्टीया छ्याञ्जे नपां संघीय सांसद प्रेम सुवालाया मू पाहाँलय् नेपाल नगरपालिका एशोसियसन खप नगरपालिका समितिया ग्वसालय् स्थानीय तह सदस्य निर्वाचन २०७९ सं खप नगरपालिकाय् चुनावं त्याक भःपू जनप्रतिनिधि पिन्ता लसः हना ज्याइवः, भिन्तुना नपां कर्मचारी पिन्ता लाँ

क्यनयगु ज्या (मार्ग निर्देशन) इवः मंगलबार जुल ।

ज्या इवः सं मू पाहाँ सांसद सुवाल जुं निर्वाचन छगू साधन जक खः, जनप्रतिनिधिपिनिगु साध्य घायगु अथेधाय् उद्देश्य धायगु देश व जनताया निःस्वार्थ सेवा यायगु खः धायो दिसे नेपाल मजदुर किसान पार्टी चुनाव हाँ पिब्वगु घोषणा पत्र ज्याखय् ख्यलय्ता

वयःव्हयगूगु स्वप पौ, बःखि पौ(पाक्षिक)



वृद्धि यागु स्वयो बजार भःदांक व्यूसा जनताता राहत जुइगु खाँ ब्याकसे नगर प्रमुख प्रजापति जुं ख्वप नगरपालिका देशयाय् दकलय् च्व जःगु स्थानीय तह काथं हज्याडः च्वंगु इलय थुगु नगरता सर्वोक्ष्ट (ज्वःमरुगु) नगर दय्केता जनप्रतिनिधिपिन्ता कर्मचारीपिनिगु ग्वाहाली मदय्क मगा धायोदिल । वयकलं समाजवादी विचःता थःडाल ख्वप नगरपालिकाता ज्ञान विज्ञानया मू थाय् (केन्द्र) दय्केगु लक्ष्य ज्वडः हज्याडः : च्वंगु खाँ न्हिथाडः, दिल ।

अथेहे ख्वप नगरपालिकाया उप-प्रमुख रजनी जोशी जुं जनप्रतिनिधि व कर्मचारीपुं धेवाया ख्वः प्यं थें खः धायो दिसे कर्मचारी पिनिगु ग्वाहाली मदय्क मगा धायोदिल । कर्मचारीपुं मर्यादित व सभ्य जुयो जनताता

निःस्वार्थ सेवा वियो थुगु ई या कार्यकालय् देया ज्वमरुगु (सर्वोक्ष्ट) नगरपालिका काथं हछ्याय्ता तः लाइगु विश्वास प्वंक दिल ।

ज्याइवः सं वडा नं ८ या वडाध्यक्ष रविन्द्र ज्याख्व जुं नेमकिपां जनप्रतिनिधिपिसं जनताया दथ्वी यागु प्रतिवद्धता जनताया भावना काथं ज्यायाय्ता कर्मचारीपिनिगु साथ व ग्वाहाली मदय्कः मगा धायोदिसे ख्वप नगरता सभ्य, सुसंस्कृत व ब्वस्यलागुनगर दय्केता कर्मचारी अपलं उत्तरदायी व कर्तव्यनिष्ठ जुयो जनताया सेवा याय्ता हज्याय्मः धायो दिल ।

ज्या इवःसं ख्वप नगरपालिकाया प्रमुख प्रशासकीय अधिकृत कृष्ण गिरी जुं कर्मचारी संगठन मदय्कः मगागु संगठन धायो दिसे जनप्रतिनिधि व कर्मचारी पिसं न्ह्याब्लें थाकु मचःसैं भिंगु मतितयो ज्या सानय् मः धायोदिल ।

ज्याइवःया सभानायो नपां नेपाल नगरपालिका कर्मचारी एशोसियसन ख्वप नगरपालिका इकाइ समितिया नायो गौतम प्रसाद लासिव जुं जनप्रतिनिधि व कर्मचारीपिनिगु सहकार्य व समन्वय मदय्कः मगागु खाँ ब्याकसे चुनावया इलय् ब्यगु बचं पूर्वाकय्ता कर्मचारीपुं प्रतिबद्ध दःगु खाँ काडः दिल ।

वयकलं कोभिडया तस्कं गयापुगु इलय् ख्वप नगरपालिकां यागु ज्या याता प्रदेश सरकारं बिपद व्यवस्थापनया ज्यायाता च्वछायो पदक बियो हानेज्या यागुलि लय्ता प्वंकः दिल ।

एशोसियसन्या नायो लासिवा जुं नकतिनि त्याक भः पुं जनप्रतिनिधिपिन्ता खादा व स्वमः क्वखाय्कः लसकुस याडः दिलसा (सह सचिव) ल्यू छयाञ्जे विकास प्रजापति व दुज : दिलकृष्ण माकं नं न्वचु तयो द्यगु खः ।

जनप्रतिनिधि पुं व कर्मचारीपुं छप्पा छधि जुयो हज्याय् मःगु नपां न्हें पुं जनप्रतिनिधिपुं अभनं थाकु मचः सैं हज्याय् मः धायोदिल ।

वयकलं सरकारं पिब्वगु बजेट उत्पादनमुखी मजगु खाँ कुल दिसे बजेटे महानगर व उप महानगरपालिका दुनय् स्वलालिपा ग्यास सिलिण्डरत मदय्क विद्युत छ्यय्किगु खाँ न्हिथाडः तः सां नगरपालिकाय् छु यायगु धाय्गु खाँ न्हिं मथांगुलिं ख्वप नगरपालिकां विद्युत छ्यः सा बांलाइ धायोदिल ।

थः गु देशय् उत्पादन म्ह्वजक यासेलिं देया अर्थतन्त्र भन भन कमजोर जुयो वांगुली चिन्ता प्वंकः दिसे सांसद सुवालजुं विदेशी मुद्रा अपलं मुनय मफगुलिं भीगुदे कतया भरय् भन भन बः काकां वानय् मःगु खाँ काडः दिल ।

सरकारं क्वः छ्यगु वालय् नेहू विदा व्यवहारिक मजगु खाँ नं ब्याकसे वयकलं जनप्रतिनिधि व कर्मचारी पिसं एम्बुलेन्स व दमकलं थें मदिसे देश व जनताया सेवासं समर्पित जुयो ज्या सानय् मः धायोदिल ।

ज्या इवःसं ख्वप नगरपालिकाया प्रमुख सुनिल प्रजापति जुं समाजवादी देशय् जनताया सेवाता हृदाय तयो विज्ञापन, याडः च्वनिगु अथेहे पुँजीवादी देशय् नपां संघीय व प्रदेश सांसद त छगू नं छगू पेशा ज्वडः देया अर्थतन्त्रता घ्वासा बियो च्वनिगु खाँ कुल दिल ।

वयकलं जनप्रतिनिधि व कर्मचारी पिसं छप्पा छधि जुयो निःस्वार्थ जुयो देश व जनताया सेवासं समर्पित जुयमः धायो दिल ।

सरकारया बजेट व्यवस्थाखय् उत्पादन मूलुक लागाय् बजेट छखय् मलिइकगु खाँ न्हिथाडः दिसे कर्मचारी पिनिगु तलब

खप नगरकार्यपालिकाया दुजपुं निर्विरोध

जेठ १७

खप नगरपालिका नगर कार्यपालिकाय् डाम्हा महिला - दुजः निर्विरोध निर्वाचित जुल । खप नगरपालिकाय् त्याकः भःपुं महिला वडाया दुजः मध्येखं कार्यपालिकाय् निर्वाचित जूपुं वडाया डाम्हा महिला दुजः निर्विरोध निर्वाचित जुगु खः ।



नगरपालिकाया नगरकार्यपालिकाया दुजः खय् वडा नं. ३ या सुनिता अवाल (प्रजापति), वडा नं ५ या कृष्ण प्यारी भुजु, वडा नं. ६ या रोशन मैया सुवाल, वडा नं ७ या रञ्जना त्वाती,

व वडा नं. ९ या छोरी मैया सुजुखु (प्रजापति), निर्विरोध निर्वाचित जुगु खः । खप नगरपालिकाय् नेपाल मजदुर किसान पार्टीया उम्मेदवारपुं त्याकः 'क्लिनस्विप' यागु खः । थव हे इवल्य न्हूँ पुं त्याक भः पुं नगरकार्यपालिकाया दुजः पिसं थौं जेठ १७ गते हे शपथ ग्रहण यागु जुल ।

थुगु लसताय नगर प्रमुख सुनिल प्रजापति जुं न्हूँपुं निर्विरोध त्यापुं कार्यपालिकाया दुजः पिन्ता लसः हांसे भिन्तुना देछासे कार्यपालिका पूर्णता जूसेलिं मथां हे ज्या बव थल थी थी लागाय् बवसेलाक ज्या याई धायो दिल ।

नगरपालिकां खप नगर व नगरबासी पिनिगु माथांवांक विकास व आर्थिक जीवनस्तर च्छाय्ता बांलाक ज्या याडः वयो च्वंगु खाँ ब्याकसे वयकलं जनता नपां स्वापु तयो ज्या सानय फःसा जनताया दश्वी बियागु बचं पूर्वाकय् फँगु विश्वास प्वंकः दिल ।

उप-प्रमुख रजनी जोशीजुं निर्वाचनया इलय् जनताया दश्वी बियागु बचं छगू छगू ज्या पूर्वांकः यंकेगु बचं बियो दिसे अः वैगु कार्यकाल अभः तः लाकेगु काथं ज्या न्ह्याकय् मः धायो दिल ।

ज्या इवः सं खप नगरपालिका वडा नं ७ या वडाध्यक्ष उकेश कवां व वडा नं. ९ या रविन्द्र ज्याख्व जू पिसं नं न्वचु तयो द्युगु खः ।

विश्वय् सुर्तीजन्य पदार्थ मदय्केगु दिवस

जेठ १७

खप नगरपालिकाया प्रमुख सुनिल प्रजापतिया मू पाहाँलय् काठमाण्डौ क्यान्सर केयर सेन्टर या ग्वसालय् खपया टौमढी त्वाल्य मङ्गलवार 'विश्व सुर्तीजन्य पदार्थ रहित' दिवस या ज्या इवः जुल ।

ज्या इवःसं प्रमुख प्रजापति जुं मपुनिगु ल्वयया मू हुनि काथं खानय् दयो वयो च्वंगु 'सुर्तीजन्य पदार्थ' मछ्यय्केता थः पुं ज्या सानयता तयार दःगु खाँ प्वंक दिल ।

क्यान्सर (उखुम) छगू प्राणघातक, तस्कं ग्यापुगु ल्वय जूगुलिं सुर्तीजन्य पदार्थ छ्यलयगु मानसिक स्वास्थ्य नपां स्वापु दःगुलिं थजगु कुलतं तापाक्क च्वनय् मःगु, न्हूँगु पुस्ताता थजगु कुलतं तापाक्क तयता कुतः यायगु खाँ ब्याक दिल ।

वयकलं अजगु सुर्तीजन्य पदार्थ नं मिडके मब्यसैं पानय् मगु, धात्थें धूम्रपान मयासा अपलं मनूत अकालं मसिङ्गु नं खाँ ब्याक दिल ।



ज्या इवःसं क्यान्सर केयर सेन्टरया निर्देशक सुमित सापकोटा, पत्रकार प्रकाश सुवेदी पिसं चुरोट सालयगु, बानी अपलं ल्यासे ल्याम्हो पिसं याडः वयो च्वंगु कडा याड, अजगु ज्या त्वतकय् मःगु नपां अजगु सुर्तीजन्य वस्तुत मछ्यय्केता जनचेतनामूलक ज्या इवःत हछ्याय् मः धायो दिल ।

विश्व धुम्रपान रहित दिवस ज्या इवः

जेठ १७

खप नगरपालिकाया प्रमुख सुनिल प्रजापति जुं सुर्तिजन्य पदार्थ मदय्केगु व हय्के मबिइके फःसा प्राणघातक क्यान्सर ल्वचं मपुंक जुय फै धायो दिल ।



भक्तपुर क्यान्सर अस्पतालया ग्वसालय मंगलवार जूगु 'धुम्रपान रहित दिवस २०२२' ज्या इवः सं न्वचुतयो दिसें वयकलं धुम्रपान स्वास्थ्यता तस्कं स्यकिगुलिं थुकिं तापाक्क चवनय्गु व जनताता सचेत यायां यंक्यमः धायो दिल ।

ने.क्रा.म.संघ पाखं भिन्तुना ज्या इवः

जेठ १७

नेपाल क्रान्तिकारी महिला संघ ढ वडा एकाइ समितिया ग्वसालय खप नगरपालिकाय नकतिनि त्याकः भः पुं प्रमुख सुनिल प्रजापति, उप-प्रमुख रजनी जोशी, ढ वडाया वडाध्यक्ष कृष्ण प्रसाद कोजु व वडाया दुजः पिन्ता मंगलवार लसःहना ज्याइवः जुल ।

ज्या इवः सं नगर प्रमुख सुनिल प्रजापति जुं नेमकिपाया सकल जनप्रतिनिधिपिन्ता त्याकः द्यूगुलिं सुभाय् देछायो दिसे गरिब जनताता अःपुक स्वास्थ्य सेवा काय फय्केता खप अस्पताल चाय्कागु खाँ कुल दिसे जनप्रतिनिधिपुं जनताया सेवाया नितिं हे त्याकः वांगुलि थःपुं मदक्क हज्याय्गु खाँ प्वंक दिल ।

खप नगरपालिकां न्ह्याकः च्वंगु खप इञ्जिनियरिड कलेजं देया लागिं मः पुं दक्षजनशक्ति, इञ्जिनियरत ब्वलांकः च्वंगु खाँ ब्याकसे जनताया ग्वाहाली व मायां हे खपदे देशयाय् हे ब्वस्य्लागु नगरपालिका काथं हज्याय फःगु खः धायोदिल ।

उप-प्रमुख रजनी जोशीजुं खप दे, देया नमूना नगरकाथं हज्याय् फः गुया मू हूनि थानाया नगरबासी दाजुकिजा तताकेहें पिनिगु तःहांगु लाह दः गु खाँ ब्याकसे खप मोडलया म्हासिका थौं

खप नगरपालिकां पिथानिगु पाठ्यपुस्तकय् धुम्रपान व सुर्तिजन्य पदार्थ ल्वय जुइकिगु, बांमलागू लिचवः या सचेततां जःगु च्वसुत दुथ्याकय्गु खाँ ब्याकसे वयकलं भक्तपुर क्यान्सर अस्पताल जनताया मंकः संस्था जुगुलिं गरिब जनताया सेवा याय्गु भावनां ज्या सानय् मः, धायो दिल ।

वयकलं भीथाय् दाच्छीया दुनय् धुम्रपानं जक स्वीडाइ स्वयो अपः मनूत सीडः च्वंगु ल्या पिब्वयो तःगु खाँ कुलदिसे व्यक्ति व्यक्ति थः हे सचेत मजुइक थुकिया जोखिमखं तापाक्क चवनय् फै मखु धायो दिल ।

ज्या इवः सं अस्पतालया कार्यकारी निर्देशक प्रा.डा. विष्णु दत्त पौडेल जुं धुम्रपान विरुद्धया ज्या इवः न्ह्याकः जनताता ग्वाकय् मःगु खाँ काड दिसे थ्वहे धुम्रपानया कुलतय् लाडः : अपलं मनूतकालं सीडः च्वंगु खाँ काड दिल ।

ज्या इवःसं अस्पतालया रजिष्ट्रार डा.स्वेता बरालजुं धुम्रपानया तथ्य व थुकिं लाकिगु लिचवः या प्रस्तुतीकरण पिब्वयो दिलसा प्रशासन प्रमुख राजाराम त जले जुं न थःगु खाँ प्वंकः द्यूगु खः ।



गौरबया विषय जुगु खाँ ब्याक दिल ।

खप नगरपालिका वडा नं ढ या वडाध्यक्ष कृष्णप्रसाद कोजु अःलिपाया वडाया ज्या इवः तः काड दिसे स्थानीय जनताया भावना व सल्लाहकाथं हे वडाया ज्या इवः तः हछ्याय्गु वचं प्वंकः दिल ।

नेपाल क्रान्तिकारी महिला संघ जगाती एकाइ समितिया नकी मयजु पूर्ण लक्ष्मी ग्वाछाया नकीसुइ जुगु उगु ज्या इवःसं न्ह्यूहा त्याकःभःमहा वडाया दुजः कृष्णलाल किसी, न्हाया वडाया दुज-शिव प्रसाद बाला व ने.क्रा. महिला संघ जगाती एकाई समितिया दुजः अनिता सिजखव जु पिसं नं न्वचु तयो द्यूगु खः ।

अन्न सैगु बूँ ल्यंकः तय मः गु

जेठ १२



भिन्तुना बचत तथा ऋण सहकारी संस्था लि. या ग्वसालय खप नगरपालिकाय, नकतिनि त्याकः भूपुं प्रमुख, उप प्रमुख वडा नं २ या वडाध्यक्ष व वडाया दुजः पिन्ता सम्मान सं जेठ १८ गते लसय् हना ज्या इवः जुला ।

ज्या इवः सं नगर प्रमुख सुनिल प्रजापति जुं खपय् अः घर जग्गा कारोबार व अनियमित आवास निर्माण याड् बूँ अन्न सैगु म्हवँ जू जू वांगु खाँ काड् दिल । अन्न सैगु बूँ ल्यंकः तय मः गु खाँ ब्याकसे वयकलं खप नगरपालिकां कृषि विषयसं थी थी तालिमत

न्हापांगु जिल्ला सभाया बैठक

खप नगरपालिकाया प्रमुख सुनिल प्रजापतिया नायो सुई जिल्ला सभाया न्हापांगु बैठक जेठ २० गते जि.स.स.या सभाहलय् च्वन ।

नेपः या संविधानया धारा २२०, ९२० काथं वि.सं. २०७९ या स्थानीय तह निर्वाचन सं खप जिल्लामा फुक्क लिच्चः प्याहाँ वय धुडानिं स्वीन्ह्या दुनयँ उगु बैठक च्वनय् मः गु खः । जिल्ला सभाखय् नगर प्रमुख व उप प्रमुख दुजः जुइगु ब्यवस्था दः ।

बैठकं नेपः या संविधानया धारा २२० या उपधारा ३ काथं छम्हा प्रमुख छम्हा उप-प्रमुख, म्हवचाख्य स्वम्हा मिसात व म्हवचाख्य छम्हा दलित व अल्पसंख्यक जाति नपां अपखय् गुम्हा दुजः दैगुयाड् जिल्ला समन्वय समिति निःस्वाड् यंकय् मः गु काथं छम्हा प्रमुख, छम्हा उपप्रमुख, म्हवचाख्य स्वम्हा मिसात, छम्हा दलित अल्पसंख्यकं याड्ः न्ह्यम्मा सिया जिल्ला समन्वय समिति निः स्वानय्ता निर्वाचन प्रक्रिया ह्छ्याड् विया दक मुख्य निर्वाचन अधिकृतया कार्यालय भक्तपुरता इनाप याय्गु खाँ क्वजित । नपां उगु बैठकं वैशाख ३० गते क्वचः गु स्थानीय तह निर्वाचनता स्वतन्त्र व निष्पक्ष काथं क्वचाय्केता थःथःगु थासं ग्वाहाली यापुं मतदातापुं, राजनीतिक दल निर्वाचन आयोग,

ब्यू ब्यू किसान तय्ता मःगु सः, थी थी पुसात इडः ब्यू ब्यू वयो च्वंगु खाँ ब्याक दिल ।

राजनीतिक कार्यकर्तात देश व विदेशया बारे (पोख्त) ज्ञान दय्कः च्वनय्मः धायोदिसे वयकलं कोभिड भ्वल्वयया इलय् खप नगरपालिकां इड, ब्यूगु राहतं जनताता ग्वाहाली जूगु खाँ कुल दिल ।

खप नगरपालिकाया उप-प्रमुख रजनी जोशी जुं खप देता ज्ञान-विज्ञानया केन्द्र नपां विज्ञान व प्रविधिं जःगु नगरकाथं च्व जाय्क यंकेंगु मति दःगु खाँ ब्याकसे चुनाव घोषणा- पत्रया लडाईं खः जनताता सचेत याय्गु ई नं थ्व हे खः धायोदिल ।

खप नगरपालिका वडा नं २ या निर्वाचित वडाध्यक्ष हरि प्रसाद वासुकला जुं वैगु डादा दुनय् याय्गु ज्याया प्रतिवद्धता प्वकसे देको, मिबा, इटापाके आवास योजना अः मथां हे पू वानिगु खाँ ब्याक दिल ।

ज्या इवः सं भिन्तुना साकोसया संस्थापक अध्यक्ष आश कुमार कोजू, नायो शिव कृष्ण कोजू, लेखा सुपरीवेक्षण समितिया कजि गणेश प्रसाद सुवाल, दां भारी कृष्ण प्रसाद सुवाल व छ्याञ्जे चञ्चल सुवाल न्हँपुं नकतिनि त्याकः भः पूं जनप्रतिनिधि पिन्ता लसय् हांसे डादाया ई (कार्यकाल) सुथां लाय्मः दक सुवः बियो दिल ।



निर्वाचनय् खटय् जुपुं सकल राष्ट्रसेवक कर्मचारीपुं सञ्चार कःमि, पर्यवेक्षक नपां सकलसिता सुभाय देछाय्गु खाँ क्वः छित ।

बैठकसं सूर्यविनायक नगरपालिकाया प्रमुख बासुदेव थापा, चाँगु नारायण नगरपालिकाया प्रमुख जीवन खत्री, मध्यपुर थिमि नगरपालिकाया प्रमुख सुरेन्द्र श्रेष्ठ, खप नगरपालिकाया उप-प्रमुख रजनी जोशी, सूर्य विनायक नगरपालिया उप प्रमुख रसिता भट्टराई व मध्यपुर नगरपालिकाया उप-प्रमुख विजय कृष्ण श्रेष्ठ व जिल्ला समन्वय अधिकारी जगन्नाथ लामिछाने भःगु खः ।

देउवा सरकार किसान विरोधी व नालायक सरकार

जेठ २१

देश व जनताया सेवाखय् जुयमःम्हा सरकार भारतीय विस्तारवाद व अमेरिकी साम्राज्यवादया स्वार्थया लागिं छुपें जुयो जूगु देशया नितिं दुर्भाय खः ।”

थुगु विचः नेपाल मजदुर किसान पार्टीया छ्याञ्जे नपां सांसद प्रेम सुवालं ९ नं वडा निर्वाचन परिचालन समितिया ग्वसालय् जूगु स्थानीय तह निर्वाचन २०७९ या मतदाता व शुभ चिन्तक पिन्ता भिन्तुना देछायगु ज्या इवःसं प्वंक द्यूगु खः ।

वा पियगु इलय् नं देसी सः ह्योबिय मफूम्हा देउवा सरकार किसान विरोधी व नालायक सरकार खः धायोदिल । वयकलं जनप्रतिनिधिपुं देश व जनताया सेवाखय दमकल व एम्बुलेन्स थें ज्या सानय् मःगु खाँ ग्वाकसे भारतीय एकाधिकार पुँजीयाडः पेट्रोलियम पदार्थ खय् तः कः हे मूल्यवृद्धि जुयो च्वंगु खः धायोदिल ।

भःथिकय् यागुली कर म्वाय्केगुया पलि पूँजीपति वर्गया लबया प्रतिशत (व्व) म्हवँ याय्मःगु खाँ काडः दिसे वयकलं ढुकूटी कर म्हवँ याडः यंकलकिं आर्थिक सङ्कट वयफः धायोदिल ।



नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं ख्वप नगरपालिका त्यागु हे ज्या साडः नैपुं ज्यापु - ज्यामित त्यागु खः धायो दिसे तःतः हांगु दलत फुक्क मिलय् जूसां भीता बुकय् मफूगु थ्व देया लागिं छगू उदाहरण काथं कायो च्वंगु खाँ ब्याक दिल ।

पार्टी निःस्वासां निसें देश व जनताया सेवाखय् मदिक्क याडः वयोच्वंगु खाँ कुल दिसे वयकलं पार्टी, जनप्रतिनिधी व कार्यकर्तापिसं शिक्षा, स्वास्थ्य, सम्पदा, सुचुकुचु व विकासया ज्या जूयो च्वंगुया खाँ दे डांक च्वछायो च्वंगु दः धायोदिल ।

नेपः दे गणतान्त्रिक दे जूसां शोषण, भ्रष्टाचार कमिसन

अप्वः जूयो च्वंगुलिं थुगु ब्यवस्था मदय्कं नेमकिपां भीगु देशय् समाजवादी गणतन्त्र निःस्वानय्ता जनताता राजनैतिक, सैद्धान्तिक, वैचारिक व सांस्कृतिक काथं छप्पा छधि याडः यंकयगु ज्या न्ह्याकः च्वंगु दः धायो दिसे वयकलं फुक्कसिता उथिंग्यंक अवसर, शिक्षा व स्वास्थ्य, धेबा पुलय् म्वायकः निः शुल्क, जुडगु समाजवादी ब्यवस्था निःस्वानय्ता नेमकिपा हज्याडः च्वंगु दः धायोदिसे ख्वप दे गर्वयाय् लाइकगु थाय् काथं छाय्पियगु कुत जुयो च्वंगु खाँ ब्याक दिल ।

जनतां विश्वासयाडः ब्यूगु जनादेशं अभ्क अपः सेवा याय्गु जिम्मेवारी ताडः ब्यूगु खाँ ब्याकसे वयकलं जनताया सेवा याय्गु बाहेकं जिमिगु मेगु छुं हे स्वार्थमरू धायोदिल ।

ख्वप नगरपालिकाया उप-प्रमुख रजनी जोशीजुं ख्वपदे दकलय् च्वःजःगु व ब्वसे लागु नगर याय् फःगुया हुनि जनप्रतिनिधि कर्मचारीपिनिगु लाहाजक मखुसैं जनताया साथ, ग्वाहाली व सुभावं नं खः धायो दिसे जनताया नितिं हे जनताया ग्वाहाली मःगु खः धायोदिसे वयकलं ख्वप विश्व विद्यालय स्वीकृति मब्यूतलय् संघर्ष याडः तं च्वनय्गु खाँ काडः दिल ।

सुरक्षित स्वस्थ समाज व पर्यटकीय व सांस्कृतिक नगर दय्केगु योजना काथं ख्वप नगरपालिकां ज्या साडः च्वंगु खाँ ब्याकसे वयकलं बँ अपलं अन्न सय्केता अनुसन्धान न्ह्याकय् मः गु खाय् नं बः बियो दिल ।

नेमकिपा नगरसमितिया ख्वपया दुजः कृष्ण गोबिन्द लाखाजुं लसः हना व भिन्तुना ज्या इवः नं जनताता सचेत याय्गु ज्या इवःखः धायोदिल ।

ख्वप नगरपालिका वडा नं

९ या वडाध्यक्ष रविन्द्र ज्याख्व जुं जनताया उम्मेदवार जनताया दथ्वी वाडः जनताया सेवा याय्गु खः धायोदिसे जनताकय् राजनीतिक चेतना दःसा मेपिसं न्ह्याथिन्योगु भांगः खाँ ल्हासां जनताया उम्मेदवारता बुकय्, मफैगु दसु ख्वपदे खः धायो दिसे अः नगरपालिकां याय् तांगु ज्याया बारे कुल दिल ।

नेमकिपा वडा नं ९ समन्वय समितिया नायो भाजु कृष्ण भक्त लवजुया नायो सुई जूगु उगु ज्या इवः सं सूर्यमढी पार्टी एकाई समितिया नायो दिल भक्त कोजु, स्थानीय निर्वाचन परिचालन समितिया नायो काशिलाल प्रजापति व सञ्जय मानन्धरं नं न्वचुतयो द्यूगु खः ।

न्हूगु पुस्ताता सम्पदा थःगु खः धायगु भावना ब्वलांकय्मः

जेठ २२

५ जून अथे धायगु विश्व वातावरण दिवसया लसताय खप नगरपालिकाया ग्वसालय आइतवार खप नगरपालिका वडा नं १ दूधपाटी च्वंगु भाज्यापुखुली सुचुकुचु ज्या इवः जुल ।



ज्या भ्वःसं नगरपालिकाया प्रमुख सुनिल प्रजापतिजुं प्रकृति व मनूया स्वापु ला व लुसी थें खः धायो दिसे वातावरणीय संतुलन ल्यंकः तयगु भी फुक्क सिया मंकः कर्तब्य खः धायो दिल ।

स्वनिगलय् नेवः तयसं तुथि, ल्वहँहिति, ब्वडचा थजगु नाः छँ दः थाय सुचुकुचुयाड, डाय्किगु सिथिनखा वैज्ञानिक नखा खः धायो दिसे वयकलं न्हूगु पुस्ताता सम्पदाप्रतिया माया व थव भीगु थःगु हे धायगु भावना ब्वलांकय् बियता थजगु सुचुकुचुया ज्या इवः याडं वानय् मः धायो दिल ।

खप नगरपालिकां थवनं हाँ याडः वयो च्वंगुबःछि या छथाय् सुचुकुचु ज्याइवः सं स्थानीय जनतातयसं नं स्यल्लागु ग्वाहाली याडः वयो च्वंगु खाँ कुलदिसे नगरपालिकाया छगू छगू ज्या इवःखय् जनताया ग्वाहाली काय फःसा तसिकं बांलाइगु खाँ नं वयकलं काड दिल ।

खप नगरपालिकाया उप-प्रमुख रजनी जोशी जुं नेवः तयसं डाय्कः वयो च्वंगु सिथिनखः छगू नाः छँ दथाय् सुचुकुचु याय्गु नखा खः धायोदिसे फुक्क मिलय् जुयो ज्या सानय् फःसा जनताता भिं याय् फँगु बिचः प्वकः दिल ।

खप नगरपालिका वडा नं. १ या वडाध्यक्ष श्याम कृष्ण खत्री जुं सुचुकुचु ज्या खय् खप नगरपालिकाया कर्मचारी, खप कलेज वातावरण सड्कायया ब्वनामि पुं, बासु कलेज कृषि विषयया ब्वनामिपुं, स्थानीय युवा विद्यार्थी पुं भायो सुचुकुचु यागु खः धायो दिल ।

कलेजया चाकलीं सुचुकुचु

अथेहे खप नगरपालिका पाखं न्ह्याक च्वंगु खप बहुप्राविधिक अध्ययन संस्थान सिभिल विभागया ग्वसालय विश्व वातावरण दिवसया लसताय कलेजया चाकलीं सुचुकुचु नपां सिमाचा, स्वमा पियगु ज्या इवः यात ।

उगु इलय खप नगरपालिकाया प्रमुख सुनिल प्रजापति जुं थःगु छँ या चाकली लकस (वातावरण) सुचुकुचु याडः बांलाक तय फःसा भिं जुडगुलिं इलय् ब्यलय् थजगु ज्या इवः त याडं तुं च्वनय् मः धायोदिल ।

वयकलं लकसया महत्व ध्वाथुडके वियता ब्वनामिपिन्ता ब्वनय्कुथिया इलय निसें हे ब्वकः यकय् मःगु खाँ खय् बः बियोदिसे खप नगरपालिकां 'छगू ब्वनय्कुथिता छथाय्या सम्पदा' सुचुकुचु याय्गु ज्या इवः डादा हाँ निसें न्ह्याकः वयो च्वंगु खः धायो दिल । खप देशय् दम, स्वसः, श्वास-प्रश्वासया ल्वगित अप्वः खानय् दयो वगुलिं खप नगरपालिकां छाती पुनःस्थापना केन्द्र चाय्कः फुक्कसिता अःपुक उपचार सेवा बियो वयो च्वंगु खाँ नं प्रमुख ज्युं ब्याक दिल ।



खप नगरपालिकाया उप-प्रमुख रजनी जोशी जुं नेवः तयसं न्हपा-न्हपा निसें डाय्क वयो च्वंगु सिथि नखाया इलय् थः थाय चाकलीया नाः छँ (तुथि, ल्वहँहिति, ब्वड) सुचुकुचु याय्गु याड वयो च्वंगु खाँ ब्याकसे थौं या दिन प्रकृतिता हानयगु दिन खः धायो दिल ।

डिभिजन कार्यालयया प्रमुख प्रेम प्रसाद सापकोट जुं जून ५ या दिनसं हलिमय ड्वांक वातावरण दिवस डाय्किगु खाँ कुल दिसे, लकस, सुचुकुचु, सिमाचा-स्वमा पिडगु ज्या दाच्छीतक याडं तुं च्वनय् फःसा बांलाइ धायो दिल ।

ज्या इवः सं खप बहुप्राविधिक अध्ययन संस्थानया प्राचार्य रत्न सुन्दर लासिवां लसकुस न्वचु तयो द्यगु खःसा खप नगरपालिका वडा नं. १० या वडाया दुजः कृष्ण नारायण दुमरु पिसं थःथःगु नुगः खाँ प्वकः द्यगु खः । डिभिजन वन कार्यालयं सिमाचा पियता ४० मा सिमाचा हयो ब्यगु खः ।

खवप अस्पताल सच्छिगू शय्याया अनुमति बिलः

जेठ २४

खवप नगरपालिकापाखं चाय्कः तःगु खवप अस्पताल च्याम्हासिंह खवपता १०० शय्याया अस्पताल न्ह्याकय्ता अनुमति बिल ।

वागमती प्रदेश सरकार स्वास्थ्य मन्त्रालय, स्वास्थ्य निर्देशनालयं प्रदेश स्वास्थ्य सेवा ऐन २०७५ या दफा १ उपदफा ३ व प्रदेश स्वास्थ्य सेवा नियमावली २०७६ या नियम १२ काथं सच्छिगू शय्याया अस्पताल चाय्केता अनुमति ब्यूगु दः । २०७८ चैत्र १ गते निसें लागु जुइगु याडः खुल्लातक परीक्षणकाल काथं स्वयगु याडः दाच्छिया लागिं अनुमति ब्यूगु खाँ स्वास्थ्य निर्देशनालयं २०७९/२/२३ गते ब्यूगु अनुमतिपत्र संः चवयो तःगु दः ।

थुगु विषय खाँ न्हिथाडः दिसे खवप नगरपालिकाया प्रमुख सुनिल प्रजापति जुं खवप अस्पतालया पूर्वाधार दय्के धुंगुलिं अस्पताल बांलाक न्ह्याइगु खाँ स्पष्ट याडः दिल ।

वयकलं खवप अस्पताल चाय्के वं नगरबासी, जिल्ला बासी व नेपः मिपिन्ता अःपुक स्वास्थ्य सेवा वियगु काथं चाय्कागु खाँ न्हिथाडः दिल ।

वहे इवल्य् प्रमुख प्रजापति जुं प्राविधिक शिक्षा व व्यवसायिक तालिम परिषद् (सीटिडिभिटी), सच्छिगू शय्याया

थःगु हे अस्पताल दःगु, शिक्षण संस्थांजक पीसीएल नर्सिड ब्वंकय्ता भर्ना काय दैगु खाँ क्वः छ्यूगुलिं खवप नगरपालिकां नीडागु शय्याया खवप अस्पतालता सच्छिगू शय्याया स्तरोन्नति याय्ता ताःई हौं निसे कुतः याडः च्वंगुलि अः खवप अस्पताल सच्छिगू शय्याया अस्पताल चाय्केता अनुमति ब्यूगु खः ।

सच्छिगू शय्याया अस्पताल चाय्के वं अस्पतालया सेवा व सुविधात भन बांलाक, स्तरीय दय्कः यंकेगु खाँ ब्याकसे वयकलं नर्सिड शिक्षा चाय्के दैगुलि ब्वनामिपिन्के उत्साह च्वजःगु खाँ काडः दिल ।

वयकलं खवप अस्पतालं अःन्हिं खुसम्हा स्वयो अपः ल्वगिपिन्ता सेवा ब्रियो वयो च्वंगुलि जनतां अभ्क अपः सेवा दैगु आशा याडः च्वंगु दः धायोदिसे अः नकतिनि क्वचःगु स्थानीय तहया निर्वाचनय् खवप अस्पताल सच्छिगू शय्याया अस्पताल काथं च्वजाय्कः यंकेगु, सुविधां जःगु अस्पताल दय्केगु घोषणापत्रे न्हिथाडः तयागु खः । प्रदेश सरकारपाखं अनुमति प्राप्त जुगुता नेमकिपाया निर्वाचन घोषणा-पत्र ज्या छ्यलागु काथं कायो च्वंगु दः धायोदिल ।

श्वनं हौं न्हि ल्या २०७९ वैशाख ८ गते खवप अस्पतालया प्रारम्भिक वातावरणीय परीक्षणया सार्वजनिक सुनुवाई जूगु खः ।



जनसेवा ब्वनय्कुथि न्हूंगु भवन उलेज्या

जेठ २४

खप नगरपालिका प्रमुख सुनिल प्रजापति जु नगरपालिका वडा नं ४ खय् च्वंगु जनसेवा ब्वनय्कुथिया न्हूंगु भवन छगू ज्या इवः सं उलेल्या याडः दिल ।



ज्या इवः सं प्रमुख प्रजापति जु बांलापुं शिक्षकपिसं बांलापुं ब्वनामिपुं ब्वलाकिगु नपां खप नगर दुनय्या सामुदायिक ब्वनय् कुथिया शैक्षिक स्तर च्वजाय्केता ब्वनय्कुथिया भौतिक सुधार यायां यंकयगु खाँ काडः दिल ।

वयकलं शिक्षाया जग बांलासा देया लागि मःपुं दक्ष जनशक्ति

अभिभावक दिवस

खप नगरपालिकाया प्रमुख सुनिल प्रजापति जुं गोल्डेन गेट इङ्गलिश सेकेण्डरी स्कूलया ३६ कगु बुदिया लसताय अभिभावक दिवस २०७९ छगू ज्या इवः यासे उलेज्या याडः दिल ।



ब्वलांकयता अः पुइगु खायँ बः बियो दिसे ब्वनय्कुथि ई काथं या प्रविधि मैत्री शिक्षा वियमःगुलि बः बियो दिसे ब्वनामिपिसं च्वय् थ्यंकः ब्वड थःगु हे देश व जनताया सेवायायगु भावना तयो ब्वनय्मः धायोदिल ।

खप नगरपालिका वडा नं. ४ या वडाध्यक्ष उपेन्द्र सुवाल सामुदायिक ब्वनय्कुथिं शैक्षिक गुणस्तर तस्कं बांलाक यंकसा गरिबया काय् म्हायाय् पिसं बांलागु शिक्षाकाय् फँगु खाँ काडः दिसे ब्वनय्कुथिया भवन दानयता ग्वाहाली यापुं सकलसिता सुभाय देछायो दिल ।

ब्वनय् कुथिया प्र.अ. कृष्णाश्वरी दुवालं ब्वनय्कुथिया प्रगति प्रतिवेदन पिब्वयो दिसे लिपाया योजनानं काडः दिल ।

जनसेवा ब्वनय्कुथिया व्यवस्थापन समितिया नायो नपां न्हापायाय्म्हा वडाध्यक्ष कुमार चवालया सभानायोल्ज्य जुगु उगु ज्या इवः सं ब्वनय्कुथिया संस्थापक दुजः राजाराम सुवाल, शिक्षिका कमलशोभा कायस्थ व न्हापाया वडाया दुजः राजेन्द्र माक नं न्वचु तयो द्यगु खः ।

ज्या इवःसं नगर प्रमुख प्रजापति जुं संस्थापक दुजः राजाराम सुवाल पाखं भवन पुनः निर्माणया दसिपौ लः ल्हाडः द्यगु खः ।

थुगुहे लसताय न्हूँपुं त्याक भःपुं जनप्रतिनिधिपिन्ता लसःहना नपां भिन्तुना देछायगु ज्या नपां भवन दानयता ग्वाहाली यापुं सकलसिता दसिपौ लः ल्हाडः ब्यगु खः ।

स्काउट तालिम निरीक्षणय्

नेपाल स्काउट बागमती प्रदेशया ४५ कगु नपां ४६ कगु एडभान्स स्काउट मास्टर तालिम स्व भः सें खप नगरपालिका प्रमुख सुनिल प्रजापति नपां उप प्रमुख रजनी जोशी जु ।



खप नगरपालिका इटाछँ-२ पाखं लसःहना ज्या इवः

नेपाल मजदुर किसान पार्टी निर्वाचन परिचालन समिति खप नगरपालिका वडा नं. २ इटाछँया ग्वसालय स्थानीय तहया निर्वाचन २०७९ सं नेमकिपा पाखं त्याकः भःपुं उम्मेदवारपिन्ता लसः हना नपां सकल मतदातापिन्ता सुभाय् देछाय्गु गुंभव्य (वनभोज) २०७९ जेठ २१ गते जुल ।



नेमकिपा केन्द्रीय दुजः नपां खप नगरपालिकाया प्रमुख सुनिल प्रजापतिया मू पाहाँलय् जूगु उगु ज्या इवः सं न्वचुतयो दिसे खपया जनतां १५ मिनेट्या दुनयँ स्वास्थ्य सेवा काय् दःगु नेपःया दकलय् चिच्याहांगु नगरपालिका खः धायो दिसे खपनगरपालिकापाखं न्ह्याकः च्वंगु खप अस्पतालय् जनतां दांकः भिंकः बांलाक स्वास्थ्य सेवा बियो वयो च्वंगु खाँ नं ब्याक दिल ।

वयकलं शिशु स्याहार निसँ कलेजतक व्यवस्था याडः च्वंगु खप नगरपालिका देया छगूजक नगरपालिका खः धायोदिसे शिक्षा, स्वास्थ्य, सम्पदा ल्यंकः म्वाकः तय्गु व सुचुकुचुख्य् देशय् तस्कं नांजःगु नगरपालिका खः धायो दिल ।

प्रमुख प्रजापति जुं समाजवाद धाय्गु ज्या साडः नैपुं ज्यामि पिनिगु लागि 'स्वर्ग' थें खः धायो दिसे नेमकिपाया न्हयलुवापिसं याडः वांगु ज्यात कुल दिसे ज्या साडः नैपुं वर्गत थाकाय्ता अःया पुस्ता, वयकपिनिगु ज्या याता मदिकक न्ह्याकः यंकय् मः धायोदिल ।

ज्या इवः सं वागमती प्रदेशया सांसद सृजना सैजुं नेमकिपां स्थानीय तह सदस्य निर्वाचन जनताया मत व मन नेगूंतुं त्याक काय्ता त लागू खाँ व्याकसँ खप नगरपालिकां खप मोडेल पाखं शिक्षा, स्वास्थ्य सम्पदा ल्यंकः म्वाकः तय्गु कला संस्कृति म्वाकः तय्गु व विकास मोडेलं देशां देखिता ब्वस्यलाक ज्या सांगु खाँ ब्याक दिल ।

वयकलं राष्ट्रिय अन्तर्राष्ट्रिय ज्यात कुलदिसे मिसामस्त राजनीतिक रूप सचेत जुगु, थाय् खप दे खः नपां सिद्धान्त त्वःमतसँ कार्यकर्ताय्ता राजनैतिक संस्कारं देजाय्कः हनयँ वाडः च्वंगु पार्टी नेमकिपा जकः खः धायो दिल ।

ज्या इवः सं नेमकिपा नगर समितिया नायो नारायण

बहादुर दुवालं स्वनिगःया यँ यलया जनतां नेमकिपा मदय्क मगागु पार्टी खः धायो वगु नपां नेमकिपां ६० दा हाँ निसँ विचः याडः छिगु पलाया लिच्वः काथं थौं नगरबासी पिसं शैक्षिक स्तर च्वजाय्कः थी थी सीप सय्क हज्याय दःगु खः धायो दिल ।

खप नगरपालिका वडा नं २ या हरिप्रसाद वासुकलां खप नगरपालिका वडा नं. २ सं न्ह्याकः च्वंगु देको-मिवा-इटापाके आयोजना व्यवस्थित सहर दय्केता न्ह्याकगु योजना खः धायोदिसे नेमकिपां घोषणापत्र खय् न्हिथाडः तःगु छगू छगू ज्या पू वांकय्ता जनताया साथ-ग्वाहाली मदय्कः मगा धायो दिल ।

ज्या इवः या सभाया नायो नपां नेमकिपा वडा नं. २ निर्वाचन परिचालन समितिया काजि रविन्द्र खर्बुजा, त्याकः भःपुं श्याम सुन्दर मातां, न्हुछेराम कोजु, मञ्जुमाया लाखा पिसं स्थानीय तह निर्वाचनय् व्यक्ति मखु पार्टी त्यागु खः धायोदिसे थःगु अमूल्य भोतं त्याकः द्यूपुं सकल मतदातापिन्ता सुभाय् देछायो दिल ।

ज्या इवः सं नेमकिपा २ नं वडा समिति इटाछँया नायो राजन जति व समाजसेवी विनोद चरण राय पिसं नं न्वचु तयो द्यगु खः सा समितिया दाँ भारी कृष्ण राम तुकबञ्जारं ज्या इवः न्ह्याकः द्यगु खः ।

जिल्ला विपद व्यवस्थापन समितिया बैठक

खप जिल्लाया प्रमुख जिल्ला अधिकारी नपां विपद व्यवस्थापन समितिया नकीं मयजु रुद्रादेवी शर्माया नायो सुई, प्यंगूंतुं नगरया नगर प्रमुख, उप प्रमुख, जिल्लाया सुरक्षा निकायया प्रमुख पुं नपां समितिया दुजः पुं च्वड जेठ २५ गते जिल्ला विपद् व्यवस्थापन समितिया बैठक जुल ।



देगमना फल्चा निःस्वान

जेठ २६

खप नगरपालिकाया प्रमुख सुनिल प्रजापति जुं खप नगरपालिका वडा नं ३ या देगमना फल्चा निःस्वाडः दिल । २०७२ सालया तः भ्वखाचां स्यंकः ब्यूगु उगु फल्चा खप नगरपालिकाया बजेटं उपभोक्ता समिति पाखं दय्के तांगु खः ।



उगु ज्या इवः सं प्रमुख प्रजापति जुं उपभोक्ता समिति पाखं जुडुगु ज्या थः भपियो सानिगुलिं बल्लाडुगु खाँ ब्याकसे उगु फल्चा भ्नीगु थःगू मौलिक पहःलं हे दानिगु खाँ ब्याक दिल ।

सुस्त मनस्थिति कल्याण कुथिया ज्या इवः

खप नगरपालिकाया प्रमुख प्रजापति जुं पानसय् मता च्याक उलेल्या याडु द्यूगु ३७ कगु सुस्त मनस्थिति कल्याण विद्यालय निःस्वाना गु दिन ज्या इवः सं न्वचु तयो दिसे सुस्त मनस्थितिया मचातय्गु स्वयो ब्वंकय्गु ज्या खयानं अमिता समाज नपां भेले पुंकय्ता ब्यवहारिक ज्ञान नं बियमः धायो दिल ।

खप नगरपालिकां अपाडुगता जुपुं ब्वनामिपिन्ता थीथी लाहातय् ज्या दैगु तालिमत, कासाया धिं धिं बल्ला यायां वानय्गु, ज्या याडु वयागु खाँ ब्याकसे मानसिक व बौद्धिक ल्याखं लिपा लापुं मन् तय्ता समाजं नं बांलागु व्यवहार याय्मः धायो दिसे वयकलं सुस्त मनस्थितिया मचा तय्ता नं बांलापुं मन्काथं जुय फ़ैगु याडु ब्वंलाकय् मः धायो दिल ।

अथेहे वडा नं ४ या वडाध्यक्ष उपेन्द्र सुवालं सुस्त मनस्थितिया मचा तय्ता अवसर व माया नपां व्यक्तित्व विकासया मौका वियमः धायोदिल ।

विद्यालयया प्र.अ. तारा देवी किजुं ब्वनय् कुथिया बार्षिक प्रतिवेदन नपां सुस्त मनस्थितिया मचातय्ता याडु वयागु ज्यात काड

खप अस्पताल १०० गू शय्याया स्वीकृत जूगु खाँ ब्याकसे, निर्वाचित जुय धुनय् वं मेलम्चीया नाः इडु बियागुखाँ काडु दिसे वयकलं खप दे बांलागु, यचु पिचु धायो खपया मोडेलया खाँ देशां देछी सिनं बांला धायो च्वंगु नपां सुचुकुचु ज्याखय् सकल जनताया ग्वाहाली मः धायो दिल ।

अथेहे वडा नं ३ या वडाध्यक्ष जुं फल्चा दानय्ता सकलसिया ग्वाहाली मः धायोदिसे ध्वगिडुगु व ध्वमगिडुगु फोहर मुडः गाडी खय् तयो बिया दक अनुरोध याडुः दिल ।

खप देशय् नेमकिपा त्यागु धाय्गु हे ज्या साडु नैपुं जनतात्यागु खः धायो दिसे वडाया ज्या पूवांकय्ता वडाबासीपिनिगु ग्वाहाली मदय्कः मगा धायो दिल ।

नेमकिपा वडा नं ३ वंशगोपाल एकाइ समितिया नायो रामसुन्दर खाताखों फल्चा दानय्गु ज्या खय् सकलसिया ग्वाहाली दैगु आशा प्वंकसे पारदर्शी ढंगं इलय् हे फल्चा जाय्केगु खाँ काडु दिल ।

देगमना फल्चा पुनः निर्माण उपभोक्ता समितिया नायो राजेन्द्र चौगुथिया सभानायोलय् जूगु उगु ज्या इवःसं वडाया दूजः पुं सुनिता अवाल, कृष्ण गोपाल चौगुथि, उपभोक्ता समितिया छयाञ्जे राजन अवालपिसं नं थः थः गु न्वचु तयो द्यूगु खः ।



दिल ।

ज्या इवः उगु ब्वनय्कुथि व्यवस्थापन समितिया नायो कुमार चवाल व सल्लाहकार अनन्त प्रसाद धौभडेल पिसं न्वचु बियो द्यूगु खसा ब्वनामि पिन्ता प्रमुख प्रजापति जुं पाठ्यपुस्तक लः ल्हाडः द्यूगु खः ।

नेमकिपाया प्रतिवद्धता पत्र २०७९ या छलफल

जेठ २६



खवप इञ्जिनियरिङ कलेज व खवप कलेज अफ इञ्जिनियरिङ ज्या साड च्वंपुं प्राविधिक पिनिगु दश्वी विहिवार जेठ २६ गते खवप नगरपालिका या नितिं नेपाल मजदुर किसान पार्टीया प्रतिवद्धता पौ २०७९ या अन्तरक्रिया ज्या इवः जुल ।

उगु ज्या इवः सं मू पाहाँ खवप नगरपालिकाया प्रमुख सुनिल प्रजापति जुं नगरबासी पिनिगु ब्यक्तिगत विवरण दयकः छँ छँ नर्सिङ सेवाता अभ्र बांलाक यंकयता योजना दःगु खाँ ब्याकसे स्थानीय तह निर्वाचन २०७९ सं त्याक वय धुनय्वं खवप नगरपालिकां मेलम्चीया नाः खवप इङः बियागु, १०० गू शय्याया खवप अस्पताल स्वीकृत जुगु, खवप टेलिभिजन न्ह्याकयता प्रक्रिया पू वानिथें च्वंगु

खाँ कुलदिसे घोषणापत्र पालना यासे देश व जनताया सेवा खय् समर्पित जुयगु बचं प्वंकः दिल ।

अथेहे वयकलं घोषणा पत्रखय् बाल विकास सहजकर्ता शिक्षकपिनिगु लागिं न्यूनतम पारिश्रमिकया व्यवस्था यायगु, नगरपालिका पाखं चाय्कःतगु कलेजय् न्हँ न्हँगु विषय ताडः यंकेंगु, न्हँगु कलेज निःस्वाड जनताया सेवा यायगु खाँ कार्य योजनासं दुथ्यागु खाँ काड दिसे खवप नगरपालिकां समाजवाद उन्मुखकाथं ज्या साड वयो च्वंगु खाँ काड दिल ।

ज्या इवःसं खवप इञ्जिनियरिङ कलेजया प्राचार्य सुजन माकं खवप दुनय्या कलेजता निः स्वांगुया तातुनात काड दिसे लिपा लासां खवप विश्व विद्यालय स्वीकृति जुइगु विश्वास प्वंकः दिल ।

खवप कलेज अफ इञ्जिनियरिङया प्राचार्य सुनिल दुवालं खवप नगरपालिकाया नितिं नेमकिपां पिकःगु निर्देशक सिद्धान्त व बचं पू वांकयता नगरपालिका पाखं चाय्क तःगु कलेजया प्राविधिक पिनिगु तहांगु लाहा दैगुलिं सकलें छपा जुयो हज्यायता बः याड दिल ।

प्रतिवद्धता पौया छलफलसं खवप अस्पतालया डा. रत्न सुन्दर लासिवा, खवप अस्पताल भवन निर्माण आयोजना प्रमुख विजय राम कोजु, खवप कलेजया ई. विनोद शाही, प्राविधिकपुं राकेश ग्वाछा, ससिन प्रजापति, इकेशमान शाक्य, प्रमिला शिल्पकार, सरिता धुखवपिसं सुभाब बियो द्यगु खः ।

शिक्षक हानेज्या



जेठ २७

सामुदायिक माध्यमिक विद्यालय संयुक्त परीक्षा समितिया ग्वसालय शुक्रवार सेवा निवृत्त ३७ म्हा शिक्षकपिन्ता हानेज्या यागु ज्या इवः सं मू पाहाँ नेपाल मजदुर किसान पार्टीया हानय् बहम्हा नायो भाजु नारायणमान बिजुकछँ (रोहित) जुं सेवा निवृत्त शिक्षक कर्मचारी पिन्ता दोसल्लां डय्कः दसिपौ लः ल्हाडः हानेज्या याड दिल ।

दाच्छीया बजेट दय्केता राय-सुभाव मुनय्गु ज्या इवः

जेठ २७

ख्वप नगरपालिकाया प्रमुख सुनिल प्रजापतिया मू पाहाँलय् ख्वप नगरपालिकाया आ.व. २०७९/८० या बजेट दय्केता नगर दुनयया सामुदायिक व संस्थागत ब्वनयकुथिया प्रधानाध्यापक जु पुं व प्रतिनिधि जु पुं सःतः राय सुभाय काय्गु ज्या इवःसं न्वचु तयो दिसे प्रमुख प्रजापति जुं नेपाल मजदुर किसान पार्टी घोषणा पत्र ख्य न्हि थाडः त काथंया शिक्षा, स्वास्थ्य त्वनय्गु नाः व सुचुकुचुता हृदाय तयो ज्या साड-वयो च्वंगु खाँ ब्याकसे न्हापाय्थे हे जनताकय् राय, सल्लाह कायो मदय्क मगागु ज्यायाता । हृदाय तयो ज्या सानय्गु खाँ काडः दिल । वहे काथं बजेट छख्य लिडके धायोदिल ।

वयकलं स्थानीय निकाययाता मतपत्र छाप्य याडागुलिं भ्वँ मदयो पाठ्यपुस्तक (साफु) छाप्य याय् मफयागु दक नेपःया सरकार छख्य लिडः जूगु खाँ मिलय् मजुगु द्वपं बियो दिसे थ्वयां ब्वनामिपिनिगु भविष्यया च्युता मतः सँ म्हेतगु खः धायो दिल । ‘भृकुती कागज कारखाना’ ख्वाखचा मूलं मियो विदेशं भ्वँ न्याड हडगु विडम्बना खः धायोदिसे शिक्षाया विकासं वहे देशय् ह्युपा है गुलिं शिक्षाया लागाय् लाय् छ्यल्यता लिचिलय् मज्यू धायोदिल ।

वयकलं ख्वप नगरपालिका पाखं न्ह्याक च्वंगु न्ह्यगुंतुं ब्वनयकुथिसं दे या ७२ गू जिल्लां न्ह्यद्वस्वयो अपः ब्वनामिपिसं दांकः भिंक बालाक ब्वंकः वयो च्वंगु खाँ ब्याकसे ख्वप नगर दुनय् चाय्क तःगु सामुदायिक ब्वनय कुथित बांलाडः वयो च्वंगु अझ नं बांलाक यंकय्मनि धायो दिल ।

ज्या इवः सं उप-प्रमुख रजनी जोशी जुं ख्वप नगरपालिकां शिक्षा, स्वास्थ्य सुचुकुचु, सम्पदा ल्यंकः म्वाकः तय्गुली ज्या याता ख्वप मोडेल दक देशां देछी सिनं धायो वयो च्वंगुया मू हुनि जनप्रतिनिधिपुं व कर्मचारी जक मखुसँ फुक्क ब्वनयकुथित व सकल नगरबासीतय्गु ग्वाहाली खः धायोदिसे मेमेगु स्थानीय तहं नं शिक्षाया लागाय् ख्वप नगरपालिकापाखं सय्केता जूगु खाँ ब्याकसे थुगु उपलब्धीता त्वः मफिडकः हःनय् यंकेता राष्ट्रिय व अन्तर्राष्ट्रिय स्तरे धिं धिं बल्ला याय् फःपुं ब्वनामिपुं ब्वलांकय्ता फुक्क ब्वनयकुथिया साथ व ग्वाहाली मः धायो दिल । वयकलं सामुदायिक ब्वनयकुथिविज्ञान प्रयोगशाला दय्केगु, ‘छखा छँ छम्हा स्नातक’ दय्केगु ज्या त्वः मफिडक यंकेगु ख्वप दे ता ज्ञान विज्ञान व प्रविधिया थाय् दय्केता ख्वप नगरपालिकां ख्वप विश्व विद्यालय निः स्वानय्गु आजु तःगु खाँ काडः दिल ।

ख्वप नगरपालिका वडा नं ७ या वडाध्यक्ष उकेश कवां जुं ख्वप नगरपालिकां म्हवचा सिमितं स्रोत साधनं अपलं (असिमित) जनताया माग त पूर्वाकय्गु कुतः याडः च्वंगु नपां नेमकिपां घोषणा

पत्रख्य न्हिथाड तः काथंया शिक्षा विषयया खाँत तः लाकय्ता नगरपालिकाया वार्षिक बजेट नीति व कार्यक्रम सम्बोधन यागु खाँ कुल दिल ।

ख्वप नगरपालिका वडा नं ९ या वडाध्यक्ष रबिन्द्र ज्याख्व जुं ख्वप नगरपालिकां न्हापानिसँ जनताया मति काथं शिक्षा व स्वास्थ्य ता हृदाय तयो ख्वप दे ता यचु – पिचुगु, बांलाक नपां शैक्षिक गन्तव्य काथं हज्याकः जीवनोपयोगी शिक्षा बियगु खाँ काडः दिल । नपां जनाताता भिं याडगु ज्या इवः त हछ्याडः नीति व ज्या इवः सं दुथ्याकय्गु खाँ काडः दिल ।

ज्या इवः सं राय सल्लाह वियगु इवल्य् प्याब्सन ख्वपया नायो रमेश चन्द्र श्रेष्ठ, प्रधानाध्यापक पुं महेन्द्र गोपाल कर्माचार्य, राम हाडा, पुरुषोत्तम ग्वाछा, सर्जनी जोशी, कृष्ण प्रसाद धन्छा, अनिल कसपाल, जयराम गोर्खाली, कृष्णराम त्वानावासु, पूण्य राम कवां, गड्गाधर हाडा, जू पिसं नगरया शैक्षिक स्तर च्वजाय्केता नगरपालिकाया अः वैगु कर वार्षिक बजेटय् सामुदायिक व संस्थागत ब्वनय कुथियाता मपाकसँ तालिमत व ज्या इव न्ह्याके मःगु ब्वनामिपिन्ता बिडगु छात्रवृति सामुदायिक व संस्थागत ब्वनय कुथि ब्वड च्वपिन्ता न्यायोचित धंगं इडः बिय मःगु, स्थानीय पाठ्यक्रमया पाठ्य पुस्तक दय्के मःगु पाठ्यक्रम प्रबोधिकरण ज्या इवः प्रयोगशाला साफू कुथि, श्रव्यदृश्य सामग्री, इन्टर्नेट, सूचना प्रविधित व आधुनिक शैक्षिक सामग्रीत दय्केता बजेट छख्य लिडकय् मःगु सुभावात बियो दिल ।

अभ्यास मनसुन २ या समापन

ख्वप नगरपालिकाया प्रमुख सुनिल प्रजापतिया मू पाहाँलय् ‘उपत्यका कमाण्ड हेडक्वाटर नेपाली सेनाया ग्वसालय अभ्यास मनसुन - २ क्वचःगु व दसिपौ लः ल्हाय्गु ज्या जुल ।



१० वडाया ससुद्यो फल्वा निरीक्षणय् प्रमुख ज्यु



भाज्या पुखुया चाकली सुचुकुचु ज्या इवः
(२०७९ जेठ २२ गते)



खवप नगरपालिका १० वडाय् न्हूंपुं जनप्रतिनिधिपिन्ता लसःहना ज्याइवः

(२०७९ जेठ २५ गते)



**खवप नगरपालिका नगर कार्यपालिकाया द्वाजःपुं निर्विरोध निर्वचित
ज्यो द्यूपिन्ता शपथ ग्रहण २०७९ जेठ १७ गते**

